

44.34042

7110

2

廣陵詩事卷五

揚人多為銅鼓歌明劉顯傳載諸葛銅鼓事鼓為王

勤中所藏趙秋谷詩盛傳於時題曰諸葛銅鼓獨汪

蛟門主伏波而不言諸葛蛟門為漁洋門下士秋谷

始為漁洋所稱引繼乃反攻漁洋竝及蛟門浯溪碑

詩事抵之于地自為談龍錄云蛟門倣吾諸葛銅鼓

詩作歌云云其實秋谷諸葛銅鼓歌集中不載乾隆

丁未曲阜桂未谷馥從顏運生崇家錄出洋洋四

十韻器器不已蓋秋谷手書以貽顏考功光敏者秋



谷序馮大木舍人詩云此詩因經阮翁所賞故反棄  
之元謂此說不然考銅鼓本造於黔粵獠獠部落蓋  
獠獠之富者造此鼓遇警則敲以聚種類耳伏波想  
亦得之于征蠻時非自造也事詳載隋書秋谷不讀  
書空疎多舛故暮年自訂詩集時刪之不載蓋自知  
其舛懼有反稽之者蛟門主伏波而不言諸葛此其  
考證精核宜爲秋谷所妒矣秋谷曾竊取閣中詩語  
寓書漁洋以攻三昧集  
然百詩之學秋谷  
豈能窺其崖岸哉今附秋谷詩於後

銅鼓歌

趙執信

黃門之家藏銅鼓傳自諸葛征南方形質猶存古

初意膚理自發青碧光斑駁有似對彝鼎負虛眞  
類懸橐囊側列八卦斷續起細看花鳥參差翔蟾  
蜍水獸各殊狀爪牙尾鬣森然張繩穿四耳樛木  
擊大聲水面聞彭彭當時龍起南陽臥震動天地  
如子房三分籌策指顧定手揮漢日提天綱益州  
割據非得已偏安兩立無時忘託孤以後蠻獠亂  
當車奮臂多螳螂渡瀘五月冒煙瘴禽縱無異驅  
羣羊天威遂使南人服不毛之地通梯航爾日鑄  
此何處用輸銅鼓冶煩工商將謂鉦鼓變新制軍  
聲直挾風與霜或是異域五金利銷兵鑄器追秦

皇不然功成用作樂琴瑟鐘磬同鏗鏘抑將永留  
鎮反側聞聲惕息懷天王前人有作各深遠後世  
耳目徒荒唐如何神物不自愛甘被棄置居蠻荒  
淫祠祭賽時攷擊椎牛置酒爲懽慶會長收藏三  
四面卽得竟內稱豪強術士附會爲詭說鼓一失  
去蠻當亡晉唐以來二千載沈埋銷毀誰能防此  
面獨完入都市市人爭得知其詳度計尺寸較厚  
薄銅斤論價猶嫌昂黃門好古適相值萬錢買得  
什襲藏一時巨手製篇詠高調與鼓爭煌煌我讀  
韓蘇石鼓詩推原周代蒐岐陽中興耆耆天所與

從臣才藝人之良臥龍借使生此際仲甫召虎難  
抗行炎德已燼時不造流星遂墜天西芒遺物空  
存有此鼓遭時亦晚堪悲傷昌黎眉山久淪喪眼  
前作者誰頽頽陋儒託借成口實六丁何不下取  
將應爲近人去古遠舉動往往隨顛僵腥銅澀鐵  
皆競進大器視若揚糝糠畱此時時發聲響驚豁  
眯目開癡腸吁嗟黃門好祕惜無以得意輕播揚  
至寶已爲人所識恐有耳食思奪攘天晴日皎我  
輩至請君始出陳高堂  
顧書宣太史於秋谷爲館中後輩其作銅鼓歌雖從

秋谷誤稱爲諸葛物而詩敘辨證極爲精審言嶠南  
瑣記伏波將軍鑄銅鼓深三尺許面徑三尺五寸旁  
圍漸縮如腰形復微展稍弇其口如竹焙箐與王君  
所藏正合此鼓應屬文淵不應屬諸葛攷援傳援善  
別名馬得越駱銅鼓鑄爲馬式則文淵方銷鼓爲馬  
式其未嘗鑄鼓明矣注云狸獠銅鼓面闊丈餘又甚  
與此不類嶠南瑣記之冒以伏波亦非也

浣紗女祠在真州西門外按吳越春秋當在溧陽而  
郡志力辨其非又太白貞義女碑銘謂爲史氏女志  
稱馮氏未知所據張世進詩云人間誰不欽貞義豈

獨憑依瀨水潯善爲調停

垞字多讀作茶顧書宜辨其爲宅字詩云欽湖北垞  
舊山莊注云垞卽宅字俗音茶非近汪容甫中亦呼

朱檢討彝尊爲竹宅

通州陶開虞字爾禪著有說杜一卷言杜詩興會所  
及往往在有心無心間往者一切強符深揣卽夢中  
歎息病裏呻吟必曰關係朝政反令少陵隣于險薄  
不可不置辨也又爲迴文詩一卷擬樂府一卷

汪堯峰疏讀宋詩絕句云唱得吳歛迴不同石湖別

自擅宗風楊尤果與齊名否如此論量恐未公申笏

山副憲甫以爲非至論也亦爲詩云平生我亦愛清  
新但覺千秋有定評楊陸同時皆敵手文章何處著  
鄉情

寶應喬劍溪億有詩說二卷自三百篇以至元明多  
所辨論生平最講唐音於唐人敘說尤悉謂唐人撰  
淮蔡事者三家當以劉詩爲第一柳雅次之韓碑爲  
下又得東坡詩草稿墨迹於塗抹改訂處悟得古人  
精義

劍溪弟子朱直方宗大作杜詩識小一卷辨少陵詩  
甚有心得如早行詩碧藻非不茂四句王阮亭以碧

藻句語勢未完下句竟接不倫直方辨之云此言水  
草雖佳終日馳驅何由賞玩因歎干戈未靖聊于奔  
迫中一開其情實無暇也又解高蜀州愧爾東西南  
北人高自謂以有愧于杜之高臥東山也或謂羈絆  
一官不如遨遊四方之爲樂與上文老風塵之句矛  
盾

江都閔義行博雅好古藏銅尺文云慮虎銅尺建初  
六年八月十五日造朱碧繡錯爲賞鑒家所玩閱以  
贈曲阜孔東塘民部顧書宣有銅尺歌今存于衍聖  
公府元甲寅在山左試曲阜四民學嘗借置案頭以

今工部營造尺準之廣七分厚四分弱試畢復還入  
聖府詳見山左金石志

宮怨堂太史友鹿作詩多有考證其龍游徐偃王廟

云子長生未晚文獻有所授世家編田齊猶有宰我  
陋謂齊世家誤以子我爲宰我也又題蘇武南歸圖  
云細弱曾畱北海濱獨令南客伴君行丹青解畫移  
中監寂寞無人說馬宏雁飛羝乳竟難畱漢使人人  
是拔尤常惠無名麟閣上也看投袂取封侯按前漢  
書漢使不降者蘇武馬宏等後畫像麟閣上止有蘇  
武一人又武歸拜典屬國常惠拜中郎將惠後至右

將軍封列侯而蘇武不及也太史考核之詳如此又  
謝友人送通印子魚詩云古來亦有螿蜺誤通印須  
君作鄭箋自注云王彥輔塵史作通應謂其地有通  
應廟今以此詢土人無復知者半山子瞻皆作通印  
今子魚隨處都有獨其出迎仙橋者味美而額有紅  
斑意者通印之名于此有取乎

楊誠齋題秦檜墓詩自注云初節似蘇子卿而晚謬

程蒿亭式莊以詩辨之云繡坡芳草上鞵青磽确猶

餘野火腥休把姦雄方屬國樵蘇唱過牧牛亭

湖西護國寺寶應志云唐保泰十二年建蓋誤以南

唐元宗改元保大爲唐保泰也朱燕堂經詩云白馬湖西舊荒寺人云創建本唐賜殘碑斷碣如雲煙無從更識南唐字

朱眉菴洵有酴醾詩其敘云酴醾詩倡于宋賢頗得佳句如云高架長條千枝萬葉釀酒枕囊形容極致矣今見所稱酴醾僅高三四尺老枝易枯新芽叢發絕無香氣且多芒刺豈真酴醾耶却未見木香詩余以爲木香卽酴醾而木香特俗名今所稱酴醾乃野酴醾耳

趙松雪鵲華秋色圖爲弁陽老人周公謹所作公謹

本濟南人後入浙屬松雪作圖以寄鄉思同時張伯雨亦爲作圖竝系以詩元纂脩內府書畫時曾見松雪真蹟又于張伯雨自書詩冊中見伯雨手書真蹟實與卞永譽書畫彙考所載無異繼又購得董思翁臨趙文敏鵲華秋色圖挂幅癸卯年作蓋松雪圖曾在思翁處其臨摹當不止一本也元督學山左駐濟南二年每侍家君出遊二山間單椒秀澤甲于海右又題濟南匯波樓額曰鵲華秋色周松雪圖名也及至浙是幅常懸座右矣馬秋玉徵君家亦藏思翁臨松雪鵲華秋色圖一時朋輩皆有詩又方環山士庶汪



南鳴皆曾臨香光圖馬徵君題句云容臺別寫鵲華  
圖三趙同參意致殊他日煩君重點筆車渠論百肯  
應無自注云余家有思翁鵲華秋色長幅其自題云  
兼採三趙筆意爲此馬氏此幅今不知歸何許矣  
程午橋太史 夢星 銀槎詩序云元朱碧山銀槎盃爲  
虞揭二學士酬酢之物舊藏國朝北平孫少宰退谷  
研山齋中見秀水朱檢討竹垞嘉興李徵士武曾詩  
後歸萊陽宋觀察荔裳宣城施侍讀愚山嘉善曹學  
士顧菴及觀察皆有詩最後歸平湖高詹事江村詹  
事因取前詩竝已作聚而刻之檀匣四旁備篆隸行

楷諸體洵飲器中佳製也新城王尚書居易錄云銀  
槎有二少宰觀察各藏其一少宰者腹有絕句觀察  
者腹銘至正壬寅年吳門朱華玉甫製今此槎絕句  
宛然與少宰所藏者合案觀察詩云背鏤至正乙酉  
字此槎旁鐫至正乙酉造又與觀察所藏者合而檢  
討詩云可憐雙解今成鰓徵士詩亦云往時作雙今  
不偶蓋本有二槎先已失去其一少宰觀察所藏固  
是一槎王尚書所云與觀察詩年代不合未知何據  
馬子嶰谷博雅嗜古近購得於吳門此槎可謂得所  
歸矣因共作詩以賀其遭云

廣陵詩事 卷五  
江都江辰六闕以曲江濤榜其齋閣觀枝乘七發曲  
江之在廣陵甚明辰六未誤也自朱竹垞以爲浙之  
錢塘江學者嗜其新奇而從之汪明經容夫中有廣  
陵曲江證辨竹垞之誤近日海寧老經生俞思謙舉  
論衡初學記以證曲江濤之在廣陵引據更爲精確  
思謙居海寧當浙潮最盛處乃力反竹垞之說歸此  
于吾鄉無安石爭墩之習賢於竹垞遠矣

廣陵曲江考

俞思謙

思謙按王充論衡云丹徒大江無濤廣陵曲江有  
濤文人賦之大江浩洋曲江有濤竟以隘狹也徐

堅初學記云七發觀濤於廣陵之曲江今揚州也  
又始興郡有曲江今韶州也司馬相如賦臨曲江  
之隴州此長安也以其水曲折甚類廣陵之江李  
頎詩云揚州郭裏見潮生李紳入揚州郭詩序云  
潮水舊通揚州郭內大歷以後潮信不通矣蔡寬  
夫詩話云潤州大江本與今揚子橋爲對干瓜州  
乃江中一洲耳故潮水悉通揚州城中今瓜州與  
揚子橋相連距江三十里不但潮水不至揚州亦  
不至揚子橋矣據此諸說則唐以前廣陵自有曲  
江當在今瓜州之北而曲江自有其濤唐以後漸

廣陽詩事 卷五  
爲沙所漲沒江之不存濤於何有元和志云江都  
縣大江南對丹徒之京口舊闊四十餘里今闊十  
八里是也但曲江漲沒雖在唐時而江潮之微則  
自南北朝已然故酈道元注水經以枚乘所言繫  
諸漸江篇內而於岷江條下語不濤蓋據當時所  
聞偶未深考耳後人泥於酈注遂以廣陵之濤移  
諸錢唐 國初毛氏奇齡朱氏彝尊閻氏若璩皆  
然蓋亦未思及川流改易今古殊觀也至伍子之  
山胥母之場皆在今蘇州境內文人興到推廣言  
之不必泥也

之山通厲骨母之場依注以骨母爲胥母之譌而  
不言二地所在又節酈氏水經漸江篇注以爲證  
不知越之北竟至今之石門浙江非吳地故越語  
句踐之地北至禦兒韋昭注今嘉興語兒鄉也吳  
語大夫種謀伐吳曰吾用禦兒臨之韋昭注禦兒  
越北鄙在今嘉興是也爾雅釋地吳越之間有具  
區其言審矣于時戰地竝在今蘇州嘉興二府之  
竟故春秋定公十四年於越敗吳于檣李杜預注  
吳郡嘉興縣南醉李城傳吳伐越越子句踐禦之  
陳于檣李又闔廬還卒于陘去檣李七里哀公元

年傳吳王夫差敗越于夫椒注吳郡吳縣西南太湖中椒山越語句踐卽位三年興師伐吳戰於五湖不勝是也吳越交兵凡三十二年內外傳所謂江竝吳江也故春秋傳哀十七年越子伐吳吳子禦之笠澤夾水而陳吳語越王句踐乃率中軍沂江以襲吳入其郛韋昭注江吳江也又吳王起師于江北越王軍于江南韋昭注江松江去吳五十里是也吳殺子胥投其尸於江亦吳江也七發注引史記吳王殺子胥投之於江吳人立祠於江上因名胥母山史記伍子胥列傳吳王取子胥盛尸

以鴟夷革浮之江中吳人憐之爲立祠于江上張晏曰胥山在太湖邊去江不遠百里故云江上正義引吳地記曰越軍于蘇州東南三十里又向下三里臨江北岸立壇殺白馬祭子胥杯動酒乾盡後立廟于此江上吳太伯世家正義引吳俗傳子胥亡後越從松江北開渠至橫山東北築城伐吳子胥乃與越軍夢令從東南入破吳越王卽移向三江口岸立壇殺白馬祭子胥杯動酒乾盡越乃開渠子胥作濤蕩羅城東開入滅吳至今號曰示浦門曰鱮鯨是也吳投子胥之尸豈有舍其本國

南竟五十里之吳江乃入鄰國三百餘里投之浙江哉然則伍子之山胥母之場固與浙江無涉不得引以爲證吳越春秋句踐殺大夫種葬于國之西山一年伍子胥從海上穿山脅而持種去與之俱浮于海故前潮水揚波者子胥後重水者大夫種也其言固誕然但言海潮而不言浙江也論衡書虛篇吳王殺子胥投之江子胥恚恨驅水爲濤以溺殺人今時會稽丹徒大江錢唐浙江皆立子胥之廟蓋欲慰其恨心止其怒濤也二江竝祭子胥乃在東漢之世水經淮水篇注引應劭風俗記

江都縣有江水祠俗謂之伍相廟也子胥但配食爾歲三祭與五岳同子胥之配食大江是惟命祀漸江篇注據吳越春秋以七發所云專屬之浙江則誤矣檢討又云曾鞏序鑑湖圖有所謂廣陵斗門者在今山陰縣西六十里去浙江不遠今以其地準之實在浙江之東自吳至浙不經其地且係堰牖小名何取於是而以之冠曲江之上哉是時吳王濞都廣陵北江在國門之外故強太子往觀之若踰越江湖千二百里以至浙江則病未能也檢討又云江都之更名廣陵在元狩三年時乘已

廣陵記事 卷五  
卒不應先見之于文則尤謬史記五宗世家江都  
王建自殺國除地入於漢爲廣陵郡據漢書諸侯  
王表地理志竝在元狩二年其時所更名者廣陵  
郡也而廣陵郡自有廣陵縣爲郡治爲吳江都廣  
陵三國都其名則在楚在秦在荆在吳在江都皆  
有之故史記六國表楚懷王十年城廣陵項羽本  
紀廣陵人召平于是爲陳王絢廣陵樊鄴滕灌列  
傳灌嬰度淮盡降其城邑至廣陵吳王濞列傳孝  
景前三年正月甲子初起兵于廣陵不得謂元狩  
三年之前無廣陵之名也漢所置郡國若宏農陳

畱平原千乘丹陽桂陽零陵武都安定朔方皆取  
縣名名郡廣平真定信都廣陽高密皆取縣名名  
國此例甚多故江都之爲國廣陵之爲郡爲國皆  
以縣也檢討不根持論雖越俗好鬼錢唐廣陵侯  
之淫祀舉子所業元人錢惟善之試卷皆備舉之  
而于經史正文反屏而不觀及一引漢書而其謬  
若是亦後學之大戒已至廣陵城本在蜀岡上邗  
溝環其東南江卽在其外故水經淮水篇注云昔  
吳將伐齊自廣陵城東南築邗城城下掘深溝謂  
之韓江亦曰邗溟溝今自廣陵驛而北爲舊城之

廣陵詩事 卷五  
之市河北至堡城折而東至黃金壩會于運河是其故址自此入淮一名中瀆水故云中瀆水首受江於廣陵郡之江都縣縣城臨江是也晉以後江益徙而南故沔水篇注云毘陵縣丹徒北二百步有故城舊去江三里岸稍毀遂至城下城北有揚州刺史劉繇墓淪于江是也今揚州城外運河唐王播所開事見播傳其時江猶至于揚子橋而東關以外在漢則江澣也然則城東小水之稱廣陵濤固非無據也凡檢討所云惟水經注承酈氏之誤其餘無一是者恐後人習謬而不知故爲正之

觀中與思謙二君廣陵曲江考則曲江在揚無疑按禹貢三江今揚州瓜澗之間入海爲北江由東壩入太湖至松江入海爲中江由石門過錢唐至餘姚入海爲南江元考覽二十年參稽載籍博問通人復親歷江浙兩省各縣形勢詳加推驗意見自爲反覆者凡數次今可決然定之蓋古今地勢變遷迥然不同未可以今疑古爲夏蟲之語也容甫又有廣陵對一篇亦附錄于此

廣陵對

汪中

乾隆五十二年正月中謁大興朱侍郎于錢唐侍

郎謂中曰余先世籍蕭山本會稽地今適奉使于  
此嘗覽朱育對濮陽興語熹其該洽度後之人不  
能也吾子咨于故實而多識前言往行亦可以廣  
陵之事諗余乎對曰中幼而失怙未更父兄之訓  
長游四方又有昏瞽之疾故書雅記十不闕一何  
足以酬明問抑聞不知而言不知知而不言不忠  
二者中之所不敢出也昔者黃帝迎日推筭分天  
以爲十有二次南斗牽牛是爲星紀七政會焉布  
算者於是乎託始而後歲月日時咸得其序揚州  
之域是其分野自漢以來或治歷陽或治壽春或

治建業而廣陵卒專其名其占應之昆侖之山實  
維西極河出其北江出其南自麗江至于高闕其  
距八千里萬折而東夾廣陵以入于海而邗溝貫  
之江河於是乎合焉于辰爲維首于水爲歸墟故  
廣陵者天地之所以成始而成終也竊嘗求之人  
事稽其善敗之迹比于矇誦其庶幾乎夫秦滅六  
國楚最無辜當陳王首事而死楚地之衆未有所  
屬其有矯命項氏引兵渡江以爭天下遂戰鉅鹿  
西屠咸陽則召平首建大謀以報秦仇也漢室傾  
危董卓干紀百城拊心莫敢先發其有區區郡吏



廣陽詩事 卷五  
無爵于朝而義感邦君結盟討臯升壇慷慨必死  
爲期則臧洪說張超起兵糾合牧守以誅賊臣也  
祖約蘇峻稱兵犯闕幼主幽厄京師塗炭其有固  
守孤壘大誓三軍力遏賊衝以保東土西師乘之  
遂殄狂寇則郗鑒董率義旅犄角上游以匡晉室  
也桓元負雄豪之名藉累世之資挾荊州之衆乘  
晉道中衰本末俱弱易姓受命人無異心其有手  
梟逆徒協謀京口旣克建康偏師獨進凶族盡夷  
乘輿反正祀晉配天不失舊物則劉毅舉州兵以  
平桓氏光復大業也侯景反噬二宮在難諸鎮不

務徇君父之急而日尋干戈甚者望風請命委身  
賊手其有居圍城之中無謀人軍師之責而唱義  
勤王有死無二則祖皓來疑襲斬董紹先馳檄討  
景爲梁忠臣也武氏淫虐人倫道盡臨朝稱制唐  
祚將傾其有控引江淮奉辭討賊功雖不成其所  
披洩亦足伸大義於天下則徐敬業舉兵匡復殺  
身亡宗以酬國恩也且夫武氏之立勣實贊之敬  
業旣心在王室又以蓋前人之愆忠孝存焉侍郎  
曰敬業不直趨洛陽而覩金陵王氣固忠臣與中  
曰兵者凶器當唐全盛之時武氏積威所劫海內

莫不聽命敬業舉烏合之衆起而與之抗故欲掃  
定江表厚集其力先爲不可勝以待敵之可勝發  
謀之始義形于色握兵日淺未有不臣之迹安可  
推斯義也雖與日月爭光可也侍郎曰善願卒聞  
之曰藝祖擢自行閒典兵宿衛受周厚恩幸主少  
國疑倒戈自立其有前代懿親不樂身事二姓繕  
兵守竟城孤援絕舉族徇之則李重進以淮南拒  
命握節而死下見世宗也宋氏積衰元兵南伐勢  
若摧枯列郡土崩不降則潰其有孤城介立血戰

經年泊行在失守三宮北遷而焚詔斬使勇氣彌  
厲忠盛于張巡守堅于墨翟則李庭芝乘城百戰  
國亡與亡也當明季世流寇滔天南都草剽姦人  
在朝方鎮擅命國勢殆哉不可爲矣其有上匡閭  
主下撫驕將內攬羣策督師開賢禮館士多歸之外抗天

兵鞠躬盡力死而後已則史可法效命封疆終爲  
社稷臣也故以廣陵一城之地天下無事則鬻海  
爲鹽使萬民食其業上輸少府以寬農畝之力及  
川渠所轉百貨通焉利盡四海一旦有變進則翼  
戴天子立桓文之功退則保據州土力圖興復不

廣陵詩事 卷五  
幸天長喪亂知勇俱困猶復與民守之效死勿去以明爲人臣之義歷十有八姓二千餘年而亡城降子不出於其閒由是言之廣陵何負于天下哉侍郎曰卓哉言乎昔陳郡袁氏世有死節之臣矜其門地不與人伍今聞吾子之言天下百郡洵無若廣陵者後之過者式其城焉可也抑聞之危事不可以爲安死事不可以爲生則無爲貴知矣此數君子者劉毅材武故有戰功郗公名德雍容而已自祖皓以下敗亡接踵意川土平曠非用武之地與其民脆弱不可以卽戎與若其建名立義類

多守土之臣又虞翻所謂外來之君非其土人者也子其有以語我中曰蔡澤有言人之立功豈不期于成全邪身與名俱全者上也名可法而身死者其次也名在僇辱而身全者下也必若所言求之前代功成名遂抑有人焉孫策用兵仿佛項羽旣定江東威震海內舉十倍之衆叩城請戰陳登出奇制勝再破其軍由是畫江以守吳雖西略而北不益地尺寸則匡琦之戰爲之也金人乘百戰百勝之勢挾齊南下其鋒不可當韓世忠要之半塗多所俘馘諸將用命同時奏功戰勝之威民氣

廣陽言事 卷五  
百倍由是開府山陽屹爲重鎮而淮東久不被兵  
則大儀之戰爲之也李全聯京東以爲餌通蒙古  
以爲窟屢賊帥臣厚索稟賜乍服乍叛十有六年  
朝廷姑息有似養虎旣連陷州縣進薄三城太清  
之禍近在旦夕趙葵建議討賊身肩其事輕兵迭  
出所向有功由是長鯨授首餘寇悉平迅掃淮壖  
復爲王土敵國寢謀宗社再安則新塘之戰爲之  
也三者保竟郤敵之功至壯也非地不利人不勇  
也苻堅強盛禹迹所奄九州有其七傾國南侵目  
無晉矣謝元以北府之兵選鋒陷陳使數十萬之

衆應時崩摧秦因以亡由是再復洛陽進軍臨鄴  
國威中振尊諡曰武則淝水之戰爲之也開皇始  
議平陳賀若弼獻其十策已而潛師濟江據其要  
害直抵近郊于時建康甲士尚十餘萬人魯達忠  
勇人有死心而弼力戰摧鋒破其銳卒禽其驍將  
由是陳諸軍皆潰新林之師鼓行而進江左以平  
則白土岡之戰爲之也朱溫雄踞大梁并吞諸鎮  
悉其精兵猛將三道臨淮當是時淮南不守錢氏  
馬氏必不能自立溫之兵力極于嶺海地廣財富  
則難圖也楊行密朱瑾決計攻瑕臬其上將偏敗

衆攜長驅逐北由是保據江淮奉唐正朔闢土傳  
世終梁之亡不能得志于吳則清口之戰爲之也  
夫晉之與秦吳之與梁皆非敵也然舉一國之命  
決機于兩陳之間小則兵敗將死大則國亡若是  
矣又況南北區分垂三百年一戰而天下合于一  
以此行師其孰能禦之詩曰武王載旆有虔秉鉞  
如火烈烈則莫我敢曷廣陵有焉若夫異人閒出  
邦家之光前之所陳固猶未盡爲其事之不繫于  
廣陵也則請備言之桓靈之際常侍擅朝朝野切  
齒劉瑜以宗室明經身侍禁闥協心陳竇議誅宦

官仰觀天文俾其速斷謀之具違并隕其族而漢  
業亦衰同姓之臣與國升降屈平之志也王敦專  
制朝政有無君之心戴淵忠諒盡心翼衛及戎車  
犯順石頭失守雖偏凶威抗辭不撓主辱臣死卒  
蒙其難正色立朝人莫敢過而致難于其君孔父  
之義也武氏始以色升浸成驕橫來濟諫之上官  
儀謀廢之納君於善繼之以死比干之仁也龐勳  
旣陷武寧泗爲巡屬又當長淮之衝在所必爭辛  
儼出萬死不顧一生之計冒圍求救往反十二是  
時賊兵北及泰山南至橫江主帥旣戕官軍屢劔

而肘腋之下一城獨完苦身愁思以憂社稷申包  
胥之哭也黃巢豨突京師僭稱大號乘輿播于遐  
裔羣盜蠡起跨州連郡唐之政令不復行于四方  
當此之時天命去矣王鐸連十道之兵總九伐之  
任承制封拜以繫海內之心王師旣奮賊遂走死  
而唐祚之復延者且三十年二相干位諸侯宗周  
共和之政也宋氏武功不競西夏跳梁宇內騷然  
當宁旰食張方平建議赦其臯而與之更始由是  
元昊請臣而中國之民得以休息及熙寧用兵再  
進苦口謀臣不忠遂成靈州永樂之禍而神宗以

此飲恨而終王者務德而無勤民于遠祭公謀父  
之諫也故廣陵自周以前越在荒服其時人士未  
聞于上國秦漢而下始有可紀然當三代盛時忠  
臣烈士之行事所震耀于天壤者先民有作舉足  
以當之此亦才之至盛已至若政事法理經緯乎  
民生文學道藝立言不朽里閭耆德孝子貞婦一  
至之行蓋以千百計非國家之所以廢興存亡者  
則皆略之考其事迹則如彼語其人才則如此維  
桑與梓必恭敬止故君子尤樂道焉夫子詳之侍  
郎曰善乎子之張廣陵也辭富而事覈可謂有徵

矣古者誦訓之官掌道方志以詔觀事王巡狩則夾王車故曰山川能說可以爲大夫吾子其選也朱育之對何足以當之中謝不敏退而發箴謹錄爲是篇

嵯商徐氏藏有周太僕銅鬲華秋岳繪之爲圖楊已軍摹其文書之江秋史侍御爲之釋文先是山陽吳玉搢紹興俞楚江曲阜孔廣森俱有釋文以其文首稱周太僕故定爲周器近則甘泉江子屏藩合諸家釋文而考訂之然其文甚古未能盡釋也元乙卯過里中曾見之今在程硯紅家

平山堂上舊有歐陽書院今廢不知何在康熙間詩人左自衡衡有池霍二烈女祠詩序云祠在歐陽書

院之側詩云白楊雙冢近司徒又云平山夜半疎林

外可約略其地矣

池霍皆貧家未嫁女池夫戍卒池氏自縊霍夫病卒父母欲奪其志

霍氏遂伏刃里人賢之爲建雙烈祠

張詰士四科藏有虞祕監汝南公主誌稿真蹟

南宋姜白石詩詞宋板詞調皆旁注笛色鹽官張氏

旣刊復輟松陵汪氏繼之不果陸南圻司馬

鍾輝刻

成之同時詩人有詩識事

明浮梁人吳十九善陶嘗作杯如卵殼今之脫胎磁

其遺製也汪畏齋

天與

有詩云斟酌渾忘杯有無但

見空懸掌中酒

汪磽巖得玉魚壓繡一時詩人皆有詞

江玉屏

立

工詞博物適市有紙絲厚數層連疊揭之

成毬旁無端縫人皆不能識玉屏以爲古側理紙也

言之鶴亭方伯春購以進呈

上喜悅命檢康

熙時內庫曾有一幅

仁廟題詩于上今方伯

所進者

上亦製詩題之紙本一張有半所餘

之半尚存康山

江松泉

昱

响嶠碑詩序云碑在响嶠峰禹王殿側厓

間薄僅三寸刻手甚劣末行空處有萬歷辛巳四明  
管大勳跋約三百字亡失過半而亡失處石膚平正  
竝非剝蝕以意讀之辭尚可曉蓋管公述刻於石鼓  
書院之由經剝蝕後人取拓本翻刻於此不繹跋文  
遂仍其舊中有考字作致吳作禹咸作成于作予開  
作間亥豕宛然不覺失笑摩挲之下明知虎賁中郎  
而好古之懷聊作如是觀耳末參活句閱者審之

寶應耕田者掘出雙魚銅洗中有字剝蝕不可識朱

恭亭

經

有古雙魚銅洗歌

秦興季滄葦侍御

振宜

所藏宋板書及影宋鈔本書



富備甲于天下今內府所藏岳板五經有季振宜  
收藏小印

夏醴谷檢討之蓉於京師得文待詔楚詞小楷作詩

云遊絲或裊空細筋真入骨勁若展努機微乃析毛  
髮蓋待詔此卷相傳用高麗筆書之檢討詩狀之偏  
肖檢討又得大觀帖寶而藏之或借去致失三十行  
乃作詩以誌恨

馬力本大令榮祖爲閩鄉令愛一碑摹刻立公案側

後令惡而碎之馬言於大中丞某公札致後令需搨  
此碑百本令無所措急求舊時搨本復鈎勒立之

高郵沈荆漳家有商父乙酒器因名其齋曰寶彝

張世進家有嘉靖雕漆盤形如荷葉中刻龍舟夫渠  
水禽之屬底有金字云明嘉靖年製五月五日世進  
以盤與馬曰瑄馬曰璐汪玉樞厲鶚陳章姚世鈺張  
四科聯句

雷塘耕夫得古鏡一枚銘曰大業元年造蓋隋宮物  
也吳梅查均作古鏡篇儀徵羅履中大令興禧有隋

宮古鏡歌

梅查又有賣琴歌小敘云琴爲宋乾道八年孝宗賜  
謝安道物也亡友洪進士達夫久珍藏之卒後家道

陵替嗣君夢巖竇供餽粥作詩傷之琴背金字銘名朝陽鳳

程泚江太史藏徐天池鳩硯背書可芝上人問奇瀟湘以此贈之余葭白元甲爲之作歌

距興化縣城南十里許有噲墩相傳爲樊噲駐軍處後穿渠得劍一亦傳爲舞陽侯物父老言之甚悉任侍御大椿作樊噲劍歌

乾隆中村農掘地得五代時楊行密女尋陽公主墓誌云公主年十六適舒州刺史彭城劉公生男女十二人以順義七年薨年三十八乾貞二年葬于江都

興寧鄉袁墅村作誌者閩縣丞危德興藏羅素心大令懋家一時詠詩者甚衆閔蓮峰華云朱門開國舊英雄粉侯領郡兼文武張世進云死葬揚州眞得所故宮免見生禾黍假饒白髮到昇元流涕應如永興主又云劉郎幸坦東牀腹僅著官堦兼氏族迄今禁鬻竟無名可預英雄三十六偃師武虛谷大令億攷證精詳今錄於左

書吳尋陽公主墓志銘後

武億

誌銘拓本爲吾友大興朱少白裝表成幅縣之壁間者余偶獲讀之歷按其文皆承五代表蕪氣格

靡然不振然念楊氏僭號淮南數更變亂其事跡  
或存或沒爲史家撰述所略而不道今尚于此誌  
見之之故亦不可遽棄也已誌云尋陽公主大吳  
太祖之令女下又云公主母太后王氏五代史吳  
世家行密夫人朱氏又行密子渥爲嫡嗣而隆演  
傳內稱渥母史氏其他不見悉錄然則此誌王太  
后云者蓋于行密之妃又其一也誌旣言公主以  
順義七年七月二十六日薨葬則以乾貞三年三  
月二十四日按順義行密弟四子溥年號也至七  
年十一月又改元乾貞故此誌書順義七年而十

國世家年譜不書七年獨紀改元史例如是無足  
疑者惟主所適劉公歷官太僕卿檢校尚書左僕  
射舒州刺史惜不著其名遂失考也劉公之先誌  
云首匡社稷于吳朝尋擁麾幢于江夏據通鑑及  
五代史竝言行密以劉存爲鄂岳觀察使是存當  
時與行密首發難而官又歷鄂岳疑稱麾幢江夏  
者當卽其人又主生子有六名位皆可見長匡時  
授鎮南軍節度討擊使撫州軍事押衙銀青光祿  
大卿檢校國子祭酒兼侍御史上柱國次匡業試  
祕書省校書郎次匡遠匡禹匡舞嚴老竝幼而岐

廣陽詩事 卷五  
疑考二子官階所云光祿大卿者案劉道原十國紀年載楊行密之父名怱怱與夫同音是時行密據淮南方破杜洪于鄂而有其地故將佐爲諱之行密之子謂建國之後改文散諸大夫爲大卿又鄱陽浮洲寺有吳武義二年銅鐘安國寺有順義二年鍾皆刺史呂師造題官稱曰光祿大卿檢校大保兼御史大卿見容齋三筆竝與誌同又言享年三十八歲箕帚二十二春則主之下嫁當在渥稱天祐三年而歸窆于順義七年是時溥已在金陵矣今仍云都城江都縣者從舊都揚州故也字多俗體于唐諱民字猶缺畫以見古人臨文之慎如是危德興稱將仕郎前福州閩縣丞必當王氏未建國而德興舊官於其地故書銜以前自別與余故備著之使考者得以資焉

寶應城南二十里田父治田見大樞長一丈以上其前和題漢口口亭侯邢貞亭侯上二字闕蝕木腐骨存長踰今人什之三四有殉葬鏡方圓各一獨方者四隅少闕光瑩如故圓者徑二寸許有枋鏡之背鑄儵魚二一左旋一右旋鱗鬣宛然旁列水藻皆凸出爲喬耿二家所得陶季有漢墓二鏡詩

邢貞見三國志

王漢恭

光魯

七夕觀牛郎織女社火詩有云兒女嬉

笑事增多彩雲樓閣起嵯峨結繒縷帛施丹繪中有  
長橋迴素波嬌女兒郎儼成畫宛如一年一會肩相  
摩云是坊民賽神社笙歌前導喧綺羅今廣陵七夕  
無此社火觀此詩尚見舊時風俗也宮恕堂太史清  
明詩自注云鄉俗清明時采南燭草作飯今亦無此  
俗

胡尚書既殺徐海之明年江淮多倭少年丁效恭憤  
之一呼而截戰者十數人所擊殺倭以數十既而生  
倭大至俱冒敵死戰地在寶應城南漕河上地志失

載楊篁坻

景漣

作丁壯士戰場歌

張墅桐

繹

于市上得靈璧石研山長三寸壁立如黃

山石筍峰下偃一小石嵌以沈檀座前跌鐫三隸書  
曰擬蓬壺傍題以巢民老人珍藏背有搏壁之翠屏  
小三吾鑑賞十小字楷法絕精

乾隆戊午春蜀岡西新開蓮塘得古井味永而甘說  
者謂此卽古第五泉也程泚江太史言此特下院井  
耳井有天禧錢十餘枚又甃一方刻殿司二字

平山堂舊祀地藏人皆呼爲小九華山汪舟次楫春

郊紀句內言之

康熙時揚人尚高氈帽或青色或元色張抑高弓詩  
云高帽老翁專主席謂此

漢石闕二在寶應朱孝廉武曹彬嘗爲文記之爲江  
都汪容甫所知以錢五十千募人竊歸其一爲孔子  
見老子及力士庖廚等像容甫榜其門曰好古探周  
禮嗜奇竊漢碑其一爲寶應縣令沈之水中今不知  
其處

程香溪太史布泉歌敘云乾隆壬戌冬杪西域人黑  
某攜青綠古器來售中有布泉千餘云山左鄉人掘  
土而出者余爲檢視得六十四種惟平陽安陽可辨

餘不盡識攷春秋有平陽縣漢書謂之東平陽史記  
王子侯表安陽侯桀濟北貞王子索隱表在平原大  
抵皆漢時物諸家泉譜布泉十品外載異布不過十  
餘種未有若斯之多者也因購得之作歌以俟精于  
古篆者攷證焉

李百岳論詩絕句云唱罷西崑正始還元豐元祐邈  
難攀大觀只說歐蘇盡精詣須知遜半山吟苦休將  
飯顆嘲都官雅韻叶笙匏無端却值歐陽九彊被牽  
勾作孟郊

江秋史侍御德量嘗仿漢碑式作收藏印石高二寸

廣陽言事 卷五  
碑面修三寸闊寸餘上仿碑頭作穿孔刻陽文江君  
之記四字下碑文云君諱德量字量殊江都人太守  
君之長子也舉進士官御史世精古文金石竹素靡  
不甄綜乃于乾隆五十七年霜月之靈刊茲嘉石以  
傳億載自跋之云趙邠卿生立圓石達者情也而蕩  
陰表頌生亦稱諱至寶難得性命可輕身實殉之墨  
君弟爲予摹漢碑獲予心哉秋史識于問津書院學  
海堂明年侍御竟死或以此碑爲之識云

秋史侍御酷愛古泉以爲三代古文藉以畱十一於  
千百時翁宜泉太史亦有斯癖每各出所有相矜如  
鬪草然又嘗撫古布文安陽二字爲印跋之云汝南  
安陽班固謂爲故江國應劭謂今江亭是也又作小  
印瑕邱公族四字跋云瑕邱公儒林之宗師也與吾  
沛陽皆嬴姓作此以志仰止

汪蛟門敘吳蘭次宋金元詩選云余嘗論唐人詩如  
粟肉布絲金犀象珠足以利民用而濟其窮誠不可  
一日無若宋元諸作則異脩奇錦山海罕怪之物味  
改而目新學之者必貴家富室無所不蓄然後間出  
其奇譬舍紉縠而衣布素却金玉而陳陶匏其豪侈  
隱然見也倘貧窶者驟從而放效之適形其酸寒可

笑而已

汪蛟門嘗選韓詩敘云杜甫氏自闢閩奧莫有窮極後有韓愈氏出有意于甫又不欲遂以甫之詩爲之更闢一境遂自爲愈之詩而非甫之詩古今學詩者知甫不知愈謂愈之非甫也豈第非甫且以爲甫病是不知愈又豈知甫者哉甫之學鮮能傳者傳之惟愈不可誣也

廣陵詩事卷六

儀徵阮元記

揚州有二東園一在儀徵漕臺東翼城內宋施昌言許元爲發運使馬遵繼爲判官所作會請記於歐陽公近時彭復齋聖基詩云一水綠沈芳樹靜半山青

接暮天遙詠此東園也一在郡城西蓮性寺之東雍

正間臨汾賀吳村

君召

所構乾隆丙寅復脩而廣之

地本有關帝祠及古杏二株吳村所構園中有醉煙亭凝翠軒梓潼殿駕鶴樓杏軒春雨堂雲山閣品外第一泉目聯臺偶寄山房子雲嘉蓮亭乾隆十一年



袁耀鳳爲東園圖一時賦詩者百餘人張尚書照爲

書聯云萬樹琪花千圃藥一莊脩竹半牀山蔣琴川

相公溥詩云遙聞賀監最風流吟遍蕪城寺寺樓楊

柳陰濃忘溽暑夫容艷發採清秋百城豈獨圖書富

三徑還從求仲游我亦江南憑眺久何當問訊到林

邱今賀氏東園已改爲蓮花橋乾隆甲辰南

巡又於梅花嶺構園以在城東亦名東園

儀徵之東園爲山謁老人吳文塗別墅有休閒堂拂

雲亭澄虛閣峽雨嬌露沁肌處酸風菴青曉一山樓

萬柳池內多古木成蔭高筇摩霄層榭窈窕迴接廊

巖幾十曲始見山基甌隳方池如鑑萬柳離披北敞

風櫺時送鄰寺殘鐘幽靜移人情境

東園八詠其楮堂几山樓西池吟社分喜亭心聽軒

西墅鶴厂漁菴此別一東園爲喬氏別墅吳梅查郡

中廢圃詩四首一曰存園家侍御豹文先生別業古

梅千樹花時宴客其中今荒廢易主一曰東園喬逸

齋先生別業曹棟亭齏使嘗寓于此一曰南莊馬秋

玉別業一曰西疇方又將讀書處又云東園巖際楮

木大十圍

存園去東城不數里有竹逕紅雨亭梅隴聽雨廊玉

蘭堂桂坪迴溪觀稼樓西亭遙岑閣

南莊在城東霍家橋之南荒村斷岸竹樹蒙密其佳

處又有山心室

萬石園秋玉徵君常于此集飲程泚江太史等曾分

詠園中花木今康山之石從此購之

讓圃在天寧門外張漁川四科有讓圃八詠詩

讓圃記 張四科

郡北郭天寧寺側隙地百餘畝竹木森蔚距城不數武而窅然深邃若山林間蓋晉謝文靖公別墅也以多銀杏故俗有杏園稱乾隆庚辛間馬嶰谷

昆季構行菴於其中傍有某氏廢圃因從容余以

二百千買之而陸南圻亦助成其事取陸張共宅

意顏之曰讓圃入門軒三楹明簡菴略禪師退院

所居舊名松月今仍之軒後一銀杏樹大蔽牛下

累白石為塔即藏簡公爪髮所一碑為姚少師所

作塔銘由軒右入有小樓登之樹色浮空雲影在

下曰雲木相參樓樓之右蘿陰如幄一逕出其下

曰蘿徑徑盡得小齋曰黃楊館其左由步廊達樓

後土岡起伏悉植梅花曰梅坪循岡而右一古井

曰遺泉泉上有亭翼然左右修竹數百竿梧桐二

三十株曰碧梧修竹之間落成之日置酒高會自  
都御史胡公而下凡十六人詩社之集於斯爲盛  
自是二十年來春秋佳日選勝探幽多在於此四  
方文人學士知有韓江雅集者未嘗不從遊於行  
菴讓圃閒賞其地之勝而慶余輩之獲結鄰也乃  
未幾而同人凋喪殆半前年夏嶰谷亦歸道山近  
南圻復移家金陵惟余與半查及二三知舊消聲  
匿跡於荒林老屋之中友朋文酒之樂非復曩日  
矣夫此地隱於幽僻賴謝公輝映前古歷千載而  
始得余輩徒以一觴一詠流連往復於一時無修

遠之名爲之增重而又風流雲散今昔頓殊吁其  
亦可悲也已不有所述後之人其將何以考諸爰  
屬膠城周牧山作圖而余爲之記乾隆二十一年  
歲次丙子閏九月朔日臨潼張四科識

行菴出郭數武中有老樹壽藤雲日虧蔽魚唄之聲  
琅然于耳馬氏嘗集此分詠梅花又食筍作詩又分  
詠秋花又有九日文讌圖秋玉復云年來故友零落  
愴然於懷賦明月引

學圃有杉槐雙蔭之居卽林樓綠淨池帆影亭桐花  
舫碧山樓舒嘯臺柳籜

吳惇園職方中隱草堂十三詠中隱草堂玉光樓一  
曲遶軒伴閑亭君子槃三省精舍東臯鏡潭過溪榭  
垂釣處迴瀾橋白波青嶂之間

吳氏園林內有因是菴

郝園爲空翠閣故址名流每宴集于此

程蒿亭紅藥書莊有葛蘿齋煨芋菴水南草堂藕花  
柴

汪中翰

士楚

家素封所構榮園名動京師南北經過

者率至此畱連竟晷李樗人有扁舟白髮閒來往惟  
有當年舊夕陽之句

楊昭武將軍

捷

別墅在黃珏橋之南二里老樹數百

株溪橋僧寺幽靜絕俗餘齋太守

景震

晚年隱居于

此

王殿撰

式丹

僑寓邗上題所居曰鴻柯草堂晚年詩

屢及之寓縱櫂園感舊云鴻柯棲未穩得佳硯詩云

今昨紛紛掠眼過雪泥鴻指認平柯

寶應喬石林太史

敬

闢縱棹園製舟名雲裝煙駕之

舫自題一聯云頗有江湖趣兼無風浪心自紀以詩

其表姪王修撰

式丹

和之

程氏白沙翠竹江村有耕煙閣香葉山堂見山樓華

廣陽詩事 卷六  
黍齋小山秋東溪白雲亭漑巖篠筵徑芙蓉泝度鶴  
橋因是菴寸草亭乳桐嶺共十三處江都員周南燉  
有白沙翠竹江村詩敘云是村舊屬吾家別業更歷  
數主至鄭氏始增臺榭多名流題詠近歸香林遂成  
江北名構今者香林邀同臯齋漁山采庸扁舟一過  
采庸亦嘗讀書其中猶識守門老人感今話昔漫賦  
一章

篠園爲程午橋太史夢星所手闢初築時其地有竹  
近十畝故名又有十詠詩序云園在郭西其西南爲  
廿四橋蜀岡迤邐而來可見者棲靈法海二寺上下

雷塘七星塘皆在左右因得夕陽雙寺外春水五塘  
西二語書爲堂聯其十詠曰今有堂取謝康樂今成  
鄙夫有句也曰脩到亭取謝疊山句也曰初月泝荷  
池半規也曰南坡築土疊石當堂南躡小橋而升也  
曰來雨閣竹塢之西閣也曰暢餘軒平軒三楹用劉  
靈預荅竟陵王書語也曰飯松菴堂之北也曰紅藥  
欄在西軒也曰藕麋荷田百頃麋爲湄借字也曰桂  
坪暢餘軒桂三十樹移自白門也後復構小漪南亭  
取宋主簿葉杞漪南草堂事也

馬氏街南書屋內有小玲瓏山館看山樓紅藥階透

風透月兩明軒石屋清響閣藤花菴叢書樓覓句廊  
澆藥井七峰草亭梅寮今揚人統稱之曰小玲瓏山  
館在東關街臣止馬橋路  
南後爲汪雪疆住宅

秋玉徵君始得太湖石甚佳故建山館名曰小玲瓏  
石甚高鄰家不便其立弟半查止之不欲以娛已而  
疎鄰也及山館歸汪雪疆本石始立焉

方坦菴寓揚州之隨園汪舟次楫詩云廣陵秋色在  
隨園

葭園在郡城中曹顧菴學士宋荔裳廉使王西樵考  
功與舟次同集此賦詩

漪園興化吳氏之別業國初吳夢祥復修之李大

村國宋作漪園詩

陸南圻司馬鍾輝有環溪別業在平山堂西司徒廟

下池有荷蘆山多竹桂張軼青世進有環溪口號東

南圻云日著叢書餐杞菊長閑輪與陸天隨

程午橋太史夢星言深港黃氏林亭有桂二百餘株

皆百年物有詩紀之

篠園竹開花後零落殆盡馬嶰谷主政日瑄邀同人

贈園以竹竝作小引小師道人方士庶繪圖記其事

程太史因用劉賓客和令狐相公贈竹二十韻賦詩

爲謝

休園有語石墨池樵水藥棲得月臺金鵝書屋繞雲  
廊逸圃一拂草亭衛書軒雲山閣不波航四香堂玉  
照亭鄭熙績葺之又增琴嘯枕流花嶼讀書牀空翠  
亭含清別墅

巴園爲張中丞舊圃有樓三層可望瓜潤許園力臣  
師六兩太史別業也竝見汪叔定詩

魯桐門有漪園張願良有仿園皆詩人讌集之地

鄭聖臣自題其園曰神園

汪叔定自題別墅曰尺居

寶應喬氏縱棹園中有送老齋洗耳亭竹深荷淨之  
堂

貸圃柘溪喬氏別業也去寶應五十里圃在宅後環  
圃以牆牆東啟小扉有亭植叢桂名曰泰阿由亭而  
東有堂面深池倚修竹曰客居所居堂堂左有廊界  
以小牆曰跽音館又有黃楊館何可一日無此軒松  
石間意稼同樓釣魚閒處程筠榭名世嘗館于是作  
貸圃八詠

泰州宮氏春雨草堂中有香草亭美人之居後廢不  
復存

愛日園高郵孫虞橋銓部宗彝與夏元開饒聖木姚  
玉衡吟詠之地銓部有詩云小築天然在水中四圍  
都放藕花紅亭高亭下茅能補橋斷橋連路可通掃  
地刷苔移秀石賦詩畱客賞新桐閒情擬著忘憂賦  
漫說當年林下風園中有瘞鶴墩詩人多詠之虞橋  
沒園遂廢

虞橋孫同庶字一鶴有樓莊詩敘云去湖西六十里  
曰太陽溝進溝西二里許曰樓莊先銓部公築也溝  
之南北岸田舊皆屬於孫氏而莊居其中四圍濬以  
深溝方隅皆有土墩墩上以樓覆之土人呼爲孫家  
樓莊是也癸未八月信宿其上登覽舊址低徊不能  
去云

任侍御

大椿

澹園四詠爲竹塢聽桐館月泉雪谿

江都俞十穀

珏

適閒園詩敘云城東適閒園張子正

讀書處也園有雲灣綠戰坡貯香榭此鮮广槿梧岑  
澄觀室鏡雲閣狎鷗波玉集堂飛月樓諸境西湖何  
仙郎石記之各拈絕句陽羨陳實菴太史赤岸王煙  
子王美浮僧鶉居俱有和韻顏之額

斐園江都朱眉菴

洵

之別墅竹木茂美與顧氏西圃

相接藥欄花徑互映周遮中有水觀亭中爽茆亭蝸



角山房顧氏西圃又名安巢

儀徵汪礲巖

堂

水香村墅中有藤花小徑清影軒東

城圖書之亭鶴柴魚磯聽雨廊小濠梁梅嶼桂巖春  
醒閣蔭遠堂冲澹池館款冬書屋礲巖仲子文珂字  
芝田有水香村墅十三詠

殷彥來宅在郡城仁豐巷見李北岳題詩

北山丞相泉宋少宰吳敏所鑿在北山寺西山麓歲

久湮沒張抑高

弓

求得之作北山丞相泉詩

古梅家巷西行折而南近西城第二街東向王氏宅

有玉蘭一株高三丈許相傳明末一嫠婦所植婦有

幼子病羸因栽此玉蘭數年不著花祝曰天畀兒年

樹當花未幾花果大開至 本朝康熙間已易數主

乃爲王宅許江門

濱

曾爲之作圖

保障湖俗呼炮竹湖見蕉飲紅橋詩

康熙間通政曹公棟亭於沙漫洲上建亭曰漁灣嘗

集漁人打魚于此二十年後鞠爲茂草惟存老樹數

株乾隆癸卯黃北垞過此有詩弔之

眞州半灣爲王氏別墅周櫟園先生

亮工

舊遊處半

灣二字卽櫟園所書

因樹樓在東淘洪振珂養母之別墅也賦詩題之者

二百人

邵伯鎮雙塘本爲陸地鎮中大姓咸族居於此康熙  
丙子秋水決成塘遂爲讌遊之地徐鈍人開綸有雙

塘對月詩

邵伯詩人竝集之地有蔣氏枝廬史氏融屋

枝廬屢見周地

云集中蓋始爲周業而後歸于蔣者

邵伯鎮又有止園謝鍾山敘云戊午七月攜具招斗  
酒會中梁子天飛閣子聖來史子址篤于子長公集  
于義史君之止園

申笏山在京師過海淀佟氏瑞園舊寓詩云偶尋斷

石畱書法蓋園之石額爲董文敏所書也諸桐嶼太

史

重光

畢秋颿尚書

沅

時爲舍人因此句物色之得

于牆東草棘中

容園臨江邊天啟間汪氏所剏後歸江都閔氏卽廉  
風之祖也有巨石甚奇園多夫容驛騎過之有走馬  
看花之諺今無片瓦矣廉風泛舟過之有詩志感云  
我今四顧風淒然日落村邊聞吠犬

儀徵資福寺門有橋池寺多竹樹其正殿雙楹皆古  
柵爲之二人不能合抱元幼時嘗寓此魏廓功有詩  
云書聲出秋樹花雨送溪風極得情境

顧書宣太史所居雄雉齋一名華蟲別館

郭于宮

元針

挈音集小敘云余有幽居在葑塞壁社

間兩村隔溪可立而呼水枯霜降之時榆楊縱橫葑蓼旁雜小家三四夜戶不閉余嘗讀書其間風晨月夕時一過從無非菰蘆罨漿中人

吳菌次

綺

歸田時貧不能自給墾江辰六

闔

為築室

于南門名曰天地間亭粵東制府吳留邨又贈錢買粉妝巷趙氏廢圃移居焉有乞詩文者先種花樹一株不數月而成林名曰種字林內有室曰蒹葭舸為詩人燕集之地顧書宣詩云行酒亦為政多花不損

廉

菌次又營屋於黃子湖名其居曰坵桴與高人王武徵嘯詠于煙波荻葦之間有歸湖詩五首一時和者數十人後又於城西築室類巖穴之居與黃淑人相羊其中顏曰歸鴻柴今湖中宅已廢為冶者所居歸湖詩集中未載惟附見于顧書宣雄雉齋集今錄於左

歸湖五首

吳綺

老愛幽棲出郭行無多水涉與山程人留別館非無意天與滄洲若有情黃鳥莫辭經日囀白鷗曾

訂舊時盟青鞵布襪從今始欲共閒雲過此身  
黃花種得向東籬較取淵明我覺遲苦有虛名緣  
識字未忘結習尚貪詩戴公挈榼花深日王子停  
船雪滿時不是傷懷非感世從來猿鶴是相知  
水雲深處未嫌孤欲寫鴟夷泛宅圖一曲柳塘栽  
菡萏數間茅屋隱菰蒲且教女子歌秋水不效詩  
人乞鑑湖一葉輕舟驢兩耳風光真稱白髭須  
牢落平生嬾是真春來七十二閒身鷄魚未敢忘  
前事牛馬何堪逐後塵乞得寒梅能作伴借將修  
竹可爲鄰莫嗟冷寂非吾意眼底從來怕熱人

絕似牽船傍岸居槿籬竹屋計全疎閨中莫慮探  
空篋梁上何曾愛破書一劍誰言迎陸賈千金幾  
見壽相如從教簞笠無人識獨向黃陂號老漁

湖干草堂在黃子湖江都學生焦文生源讀書處也

文生妻卞本富家女箱櫝皆自畫山水花鳥而題以

詩荆釵裙布與文生躬耕自給竝臻高年袁太史枚

有梅花不共斯人老之句其孫佩士憲拓其屋遶以

修竹竹內種芍藥一畦周以絳桃又植老梅數本玉

蘭山茶海棠各一本屋十餘間以半課子以半爲賓

客吟宴之地謝東寅旭詩云曲水環深宅春來致更

幽花光侵客袂翠影落茶甌談劍能驚座敦詩豁倦  
眸只因良會少欲別又淹留

江山風月亭瓜洲熊氏別墅元至治中翰林承旨蛻

菴張翥爲詩相傳爲趙松雪所書今已失之矣詩見蛻菴

集熊之裔孫偉男維熊不忘先蹟用屬和遠近魏篁

中嘉琬亦瓜洲人有詩詠之云一髮青天失萬艘峭

風落袖迴憑高隔雲飛錦入寒月對海彈絃清夜濤

集響空多宜嘯癖能吟老去尚詩豪祇今避暑名園

地蓼岸秋容認草袍

瓜洲中隱草堂內有遜軒東臯鏡潭垂釣處迴瀾橋

白波青嶂之間天台齊次風過瓜洲作中隱草堂雜

詠詩

樂又令字允諧一字介水以歲貢生除徐州蕭縣學

訓導不赴居江都郭東八十里築洗心亭雜花柳樹

自號悟賓道人擇地攝山戴家庫題曰悟賓歸宿處

朱竹垞撰樂君墓志銘

姜堰在泰州郭東四十五里黃天濤與從兄仙裳居

于此天濤于宅後構秋嘉館又築臺結閣以爲賓友

吟眺之處閣始成適黃岡杜于皇至因名其閣爲杜

來閣

依園者韓家園也在北門外今廢陽羨陳檢討

維崧

依園游記

陳維崧

出揚州北郭門百餘武爲依園依園者韓家園也斜帶紅橋俯映淥水人家園林以百十數依園尤勝屢爲諸名士讌遊地甲辰春莫畢刺史載積先生觴客於斯園行有日矣雨不止平明天色新霽春光如黛晴絲罥人急買小舟由小東門至北郭一路皆碧溪紅樹水閣臨流明簾夾岸衣香人影掩映生綃畫縠間不數武舟次依園先生與諸客

分踞一勝雀鑪茗椀楸枰絲竹任客各選一藝以自樂少焉家賓雜至少長咸集梨園弟子演劇管弦清越歌聲繞梁林鶯爲之罷啼文魚於焉出聽矣是日也風日鮮新池臺幽靚主賓脫去苛禮每度一曲坐上絕無人聲園門外青簾白舫往來如織凌晨而出薄暮而還可謂勝遊也越一日兩先生笑曰昨日之游意其有天焉否耶雖然歲月遷流一往而逝念良朋之難遘而勝事之不可常也子可無一言以紀之并屬崇川陳菊裳鵠爲之圖圖成各係以詩同集者閩中林那子先生古度楚

有茅舍當年 達人歸 謝靈運述祖德詩云達人貴自我 行吟得清

暇投壺登小樓射鴨來虛榭柳細早分涼荷香始知

夏我豈不懷鄉塵鞅安可謝武林好山水未宜稅煙

駕終念甘泉山青光向湖瀉

易松滋取孟東野好詩恒抱山之句名其吟誦之所

為抱山堂賓客滿座四方名彥之往來無不題襟投

轄雲間沈學子稱松滋之詩清苦堅卓悠然有弦外

之音

高郵王文通公于湖中為園名曰桴園

廣陵詩事卷七

儀徵阮元記

馬曰瑄 秋玉 曰璐 半查 兄弟竝好客主持風雅勒其

朋侶遊宴之詩為韓江雅集十二卷與斯集者則有

胡期恒 號復翁本湖南人官左都御史生於揚州故

不錄入 在揚亦自號里人然曾為江蘇布政使是以

淮海集 唐建中 字南軒 天門人 程夢星注玉樞厲鶚

錢塘人 方士庶王藻方士庶陳章 錢塘人 閔華陸鍾

孝廉 輝全祖望 鄞縣人 張四科史肇鵬楊述曾 陽湖人 洪

振珂鄭江張世進趙昱 仁和人 丁敬 錢塘人 杭世駿

錢塘人 趙信 仁和人 趙一清戴文燈 歸安人 丁丑進

陳祖范 錢塘人 查祥邵泰姚世鈺 歸安人 王文充 江都

人編修 劉師恕程士械樓錡 字于湘 團昇陸錫疇諸名

宿其詩則有金陵移梅歌 本植於七峯草亭之陽元

按高郵王樓村先生嘗夢老人付以十三本梅花因

屬禹鴻臚作十三本梅花書屋圖繆澧南司寇諸君

皆題之故王藻詩云却笑白冬日集經畬堂分詠

田王內翰夢裏栽梅畫裏看 洪州西山瓜牛廬

煨芋剪橘掃葉淹菹護雪中故事 香山精舍蘆洲兔

園龍門孤山聚星堂 浮山禹廟觀壁間山海經塑像

懸瓠城少林剡溪 五言排律梅花紙帳歌分詠梅花事 含章殿隴頭漱

亭玉照堂范村鍾山合江園梅 行庵食笋 別有洞庭

花屋紅羅亭巢居閣大梅山 燕圖 打麥詞養蠶詞分詠揚州古蹟 雲山閣淳于

迎仙樓居竹軒棲靈塔借樂園 漢首山宮銅雁足

鐙歌 造器為馬氏所藏槃下銘云竟寧元年護為內者

漢主右丞賞守令麋護工衣史不分詠銷寒故事 宋

禁首山宮丙者第廿五受丙者 京脩唐書高太素商山白醉王龍標旗亭畫壁王摩

詰華子岡呂徽之米桶有人李太白宮娥呵牙管蘇

東坡冬夜遊承天寺石虎焦龍湯池僧 采蘋曲 采自

惟政荻花毳范石湖頌炭周憲王送雪 蓮重跼累萼狀如白 徐幼文師子林畫冊 此冊今在

銅鼓歌詠邵文莊溫研爐 銘云暑有發冰寒有韞火

既濟且和燮理在我彼鼎我研制殊義同汝革良友

惟金在鎔功成斯文而不自有左右置之歲寒良友

二泉邵寶著 東園雜詠 品外第一泉醉煙亭春雨堂

錫山安國製 步小鑑湖駕鶴樓嘉蓮亭踏葉廊梓潼殿杏軒夫容

汧對薇亭偶寄山房子雲亭春雨堂共十八處元按



東園卽賀園雍正間賀吳村君召所構乾隆甲子丙寅復脩而廣之半查諸君所詠止取前十一處爲題其後七處未經入詠今廢集讓圃投壺集環溪草堂改爲蓮花橋左右諸園亭

流觴展重午集小玲瓏山館分賦鍾馗畫聽琴圖嫁妹圖踏雪

圖策蹇圖出獵圖觀傀儡圖元夕出遊圖戲嬰圖秤

鬼圖夜遊圖執笏圖品茶圖緣竿圖元聞揚州詩老

云馬氏不但藏書極富其藏畫亦極佳每逢午日堂

齋軒室皆懸鍾馗無一同者其畫手亦皆明以前人

無本朝手筆可謂鉅觀今諸題中祇執笏圖知爲

陳老蓮畫其餘無傳又聽琴圖元幼時曾在橙里先

生紫玲瓏山館中見之一人在室內對檠撫琴窗外

有井及雜樹鍾馗五人五色衣共聽琴一馗誤墜井

也其畫手似是仇十洲今記憶不確矣及遊金山焦

山諸題馬氏之後有江橙里先生助繼之先生卒後

此風歇絕矣故元挽先生詩有句云從今名士舟不

向揚州泊

馬氏兄弟又嘗同人遊吳中徧歷天平支硎靈巖鄧

尉太湖洞庭山諸勝得詩爲林屋倡酬集

孔東塘尚任還朝梁藥亭佩蘭歸南海張南村總字僧持

入九華山脩志吳菌次顧書宣等十二人餞於克敏

堂用上平十五韻各拈分賦

鄭熙績與楊西亭高小卻鮑孟次談孝先集玉照亭

訂真率會有五簋約

方息翁扶南曾目韓江雅集諸君或爲佛或爲菩薩

或爲維摩詰或爲揭諦神蓋各就其語默動靜而爲

之謔也同人亦有詩紀之

團鶴笈昇居真州時與張琢堂璞陶鏡堂鑑卜古山

澗方可村嶠許滄亭登瀛李星同志棟李餘中仙植

張南垞秉彝石蘇門繼登劉稼亭嘉禾汪礲巖堂李

東渚仙榜李晴川少白閔廉風華汪問源聖清楊萸

亭大在黃北垞裕楊林臯瑗方介亭和竹樓元鹿吳

尊埜之粹李琴齋鵬舉丁碣菴居信劉鹿圃國柱劉

懃亭承毅劉錦洲標宋紱齋磨李漁川少元吳拱垣

極黃錫華榮厲在亭靖張蓮溪祥麟石野塘椿汪楓

南宸辰劉南塘瑞沈玉厓璿胡吟石溶吳桐山淮嚴

寅齋秉錢孺堂志楊南村淮張南坪日恒等四十

人前後相倡和萃刻為真州倡和集二卷

北湖詩人施叔氏原徐坦菴石麒畢銳范石湖

荃同構一園榜曰芳畬隱范施徐畢四姓也今廢

朱野塘太史青選聯詩社與會者封習園張瀛上汪

燕山王湯又

吳賓廬寅壯遊四方歸舟至北湖黃珏橋月下聞讀

書聲步尋之得數十家曰此仁里也乃移居湖中有

移居黃子湖詩四律與李釀園裕茲陳敬輿儼謝東

寅旭焦聲依永霞村步青吳聖涯涵往來相倡和

儀徵汪礪巖堂就東城圖畫舊址構水香村墅名流

多詠集其中乾隆甲戌秋杪曾與鄭板橋繆客船黃

北垞蕭鄧林張煦齋陶韻亭金麟洲繆禹門沈玉崖

方竹樓方介亭徐荔村藥根上人共十四人集百尺

樓以趙嘏殘星幾點雁橫塞長笛一聲人倚樓句分

韻賦詩

丙辰鴻博申笏山副憲甫為浙江總督無錫嵇相公

曾筠所舉庚辰嘗會同徵于京師華亭王相公舊邸

之錫壽堂時杭堇浦編修方撰詞科掌錄笏山詩云

又與撫言添一則燕堂高會紀燕臺壬午七月朔日

又與錢蔣石閣學載曹地山侍郎秀先為鴻博同年

之會錢作歲寒三友圖賦詩誌之

獵微草堂乃許荔生文讌之地賓客有劉復齋錢禹

銘費滋衡吳羽文趙飲谷畢亮四樓寧世周少逸金

見素汪迎年鄭重周

邵伯埭舊多詩人競為文酒之會有潘持垣劉雲章

徐夢獻邱子高張伊蒿鄭開平張汝州謝雲足王淑

人王鶴崖謝逸墅賈雪三王天陟周地六地六詩集

中有清明前二日同人過王天陟別墅探梅詩歲暮

同社諸友過老君堂閒話詩丙申仲冬同社諸子再

集匯園分賦詩清明同諸子遊王園詩八月十六日  
同人集飲吞海亭大醉遠旦詩柳塘送春分詠詩九  
日集洛雅堂詩雨中遊許園坐聽花書屋看山分詠  
詩集飲枝廬詩重九前八日飲王匯園別業憶賦分  
賦詩

張抑高 弓先世延安人占籍儀徵年七十七又賀天  
詮亦年七十七高懋賢八十一劉大中七十六先蠲  
齋著七十二黃右觥七十七張樞六十六集花下爲  
尚齒之會各賦詩以七人五百二十歲爲起句本香  
山七人五百七十歲故事也

馬半查方西疇同日生皆在牡丹開時每有詩讌  
王梅泚曾輯廣陵倡和詩錄閱廉風題其後云也如  
河嶽英靈集不是張爲主客圖此錄元訪之未得  
汪蛟門與太守金公長真復修平山堂成四遠賓客  
咸集曹侍郎秋岳首爲長律五十韻屬和者五十餘  
人時寧都魏叔子 禧蕭山毛秋晴 奇齡竝撰重建平  
山堂記宣城施愚山 閏章撰平山堂詩記序江南北  
傳爲盛事蛟門又于堂後拓地爲樓五楹設粟主祀  
歐陽永叔劉仲原父蘇子瞻名曰眞賞之樓取永叔  
寄仲原父詩中語也秀水朱竹垞爲作眞賞樓記

聯句之盛莫過於馬氏小玲瓏山館程氏今有堂張

氏著老書堂馬氏有食鮓魚聯句馬曰瑄厲鶚王藻

陸鍾輝有禹鴻臚尚基五瑞圖聯句閔華厲鶚程夢

張四科有看山樓雪月聯句厲鶚陳章王藻馬

曰瑄方士庶馬有五日席間詠嘉靖雕漆盤聯句厲鶚馬曰瑄汪玉樞

章姚世鈺有寒夜石壁菴聯句馬曰瑄厲鶚方士庶

張四科有壬申山館上元聯句馬曰瑄張世進方

閔華陸鍾有乙亥上元聯句朱稻孫馬曰瑄張世進

輝樓錡有程氏有上巳後二日燈下聯句裕程夢鈞盛唐

茗實齋試茶聯句用軒轅彌明石鼎聯句韻程夢星黃裕程

夢鈞許建華有五貺樓對雪聯句限貺字裕楊濂唐

唐毓蘄余吳有雪後聽五琅王吉途鼓琴聯句限鼓字程夢星黃

毓蘄有泛舟小漪南觀荷聯句排律三十韻程夢星黃

裕楊濂有食枇杷聯句程夢星黃裕

裕程夢鈞余吳限南字有食餅聯句方士庶方士庶

馬曰瑄有軒觀荷花聯句厲鶚陳章王

軒觀荷花聯句厲鶚陳章王

畫番馬圖聯句張世進陳章姚世

葑田歸溧水王藻張世進張

吳廷有祭詩聯句王藻張世進張

堂大雨聯句姚世鈺張世進張

南  
城樓聯句二首張世進張四科冰盆聯句張世進張四科餘夢易

炒米聯句張世進張四科飲魚聯句陳章閔華陸鍾風車聯

句張世進王藻陳章陳五月既望待月聯句陳章張

藻張張世進王藻陳章陳飲茶木軒聯句王藻張世進陳章

朱自天與王熙聞錫山聯句云布帆風靜落潮時熙

新月空濛習柳枝斷續櫓聲漁唱晚自蕭寥霜信雁

羣遲吳兒夜市家家酒熙秋士閒吟處處詩明日菜

黃誰共插自他鄉兄弟髮如絲熙

江都李芝庭義賢嘗著秀谷集唐詩八卷氣體自然

屬對工妙劉六松攜謂其一聯如得意萬事不關心

雖邱錦江花不過如是高郵孫弓安亦集唐句如詩

繼青蓮懷謝史碑評黃絹讀曹娥翁綬杜牧客裏幾時攜

素手人間亦自有丹邱劉文房韓炳皆極工巧

江太守橙里先生集宋元人詩餘七字者為絕句詩

渾成無迹如殘花微雨隔青樓聽得吹簫憶舊遊不

分小庭芳草綠一春長是為春愁顧復孫惟信孫又

云簾幙輕回舞燕風雲屏冷落畫堂空最愁人是黃

昏近一樹梨花細雨中盧祖臯馮延巳張炎陳堯

紅橋為詩人聚集之地王阮亭宋荔裳皆嘗觴詠于

此後孔東塘在廣陵時上巳日招同吳菌次綺鄧孝

威漢儀費此度密李艾山沂黃仙裳雲宗定九元修

宗子發元豫查二瞻士標蔣前民易閱賓連王武徵

方岐喬東湖寅朱其恭朱西柯張諧石韻楊爾公吳

彤本卓近青爾堪趙念昔允懷王孚嘉王楚士王允

文閱義行共二十四人紅橋修禊賦詩紀事

陶季有集唐絕句五十五首自敘云唐人詩惟七言

絕句可以詠歌余嘗效之康熙甲子再遊荆楚聊引

唐句用賦別離其詩如洞庭春盡水如天柳宗元送爾

維舟惜此筵杜甫一宿青山又前去趙嘏綠波無路草芊

芊許渾越山稠疊海林疎皇甫冉灞岸青門有敝廬劉商莫

恨東西溝水別白居易昨來頻得贊公書李端扣角誰聞

甯戚歌李中飛騰無奈故人何杜甫山鶯驚起酒醒處竇

一徑草荒春雨多許渾謝家臨水有池臺秦韜巖館蒼

蒼徧綠苔武元衡醉後不憂迷客路施肩吾滿湖明月小

船回白居易

吳門張天農閩中黃叔威有秋懷集字詩八首用杜

少陵秋興詩集之也江都蔣太史繼軾集字和之至

十六首如千里關山黃菊淚幾聲猿鳥白雲心蘆花

白處皆漁宅楓樹紅邊有畫樓車馬遲迴心自省功

名冷落老相催湖水夜明飛翠羽江樓風靜落紅牙

筆有江花凋晚歲扇餘班淚對秋風後和八首云青  
山北向圍京口白浪東馳下石頭平子愁多時有淚  
少陵吟苦日思家時有山夔驚老眼每看塞馬失先  
機皆極工巧

梁五檠嘉稷從姜青藜將軍遊於滇南之大理王椒

卻穀集唐二律送之甚工其一云雲南路出洱河西

雍別酒重傾惜解攜李景蓼水白波喧夏口鄭谷桄榔椰

葉暗蠻溪李德裕未登崖谷尋丹竈李紳可有文詞詠碧

雞吳融草檄青油推健筆羊士謬詩成一夜月中題王初其

二云臂上琬弓百戰勳王維戎衣更逐李將軍李益方驚

嶺嶠遙瞻日李質漸失征帆錯認雲元稹山色好當晴處

見白居易猿聲頻向屋邊聞杜荀鶴空懷道遠無持贈許渾

惟有青山遠送君郎士元五檠居北湖梁家巷椒卻居

邵伯埭五檠滇南寄椒卻云不肯折腰彭澤縣偏容

濯足艾陵湖是時椒卻自岐山令罷歸也

汪士裕有適園詩鈔二卷卷中多與叔定蛟門舟次

相倡和一姓弟兄竝以詩鳴一時稱盛同時若王西

樵宗鶴問吳蘭次王武徵亦多贈荅之作

黃北垞裕詩最多其集始於康熙甲午迄於乾隆戊

子曰秋眉曰小帆曰搢枕曰西倉曰松底曰冷灰曰

黃凌詩事 卷七



日南甘泉曰倚闌曰南營田夢陸西樓曰園客曰桐  
華曰求去居曰城南曰銅街曰白首江上曰龐眉凡  
十七集今唯存白首江上集餘十六皆未見

曲阜孔東塘尚任官揚州時屢爲文酒之會嘗與鄧

孝威漢儀吳蘭次綺蔣前民易宗梅岑定九桑楚執

豸梅花嶺登高賦詩長洲陳鶴山翼有詩云綠郊古

嶺夕陽西佳節重來望眼迷一水白看羣雁沒萬山

青愛隔江齊煙荒馬鬣餘碑字香散梅花剩菊畦靈

管也知人慷慨聲聲吹落碧雲低

水繪園修禊在康熙乙巳之暮春三日時王阮亭按

部東臯適陽羨陳其年維崧婁東毛亦史師桂亦在

因合邵潛夫潛冒巢民襄冒穀梁禾書冒青若丹書

許山濤嗣隆會于此園共爲詩三十八首

吳蘭次綺守湖州四方名士過從無虛日嘗與吳學

士偉業張大令芳吳侍御雯清修禊于愛山堂又與

曹司農溶宋觀察琬謝司李天樞黃進士與堅集于

窪樽亭皆屏去騶從解衣盤礴觀者目爲神仙中人

吳學士有客比亂山多之句陽羨陳檢討維崧未與

其盛後敘林蕙堂集云獨有鄙人沉居旁邑調弦待

奏情含流水之中滅刺難前客在亂山之外

謝鍾山

良瑜

構畦園於邵埭之上繪畦園與四方知

名士分題拈韻互相唱酬晚年與老友數人爲斗酒

會繼而老友零落獨居畦園年七十一

江都許師六太史

承家

集字詩敘云丙寅正月偕家

暢翁兒昌齡駕小舟之淮陰道遇雪加以冰凍雪霽

見月月沒見雪風日間作閱八日始抵岸舟中無一

事無一客又無一書可讀僅攜有牙詩牌字一千扇

三人各集成詩得如干首集成系以題亦意爲之所

謂得其仿佛而已

左自衡衡集中有三月晦日吳象家招集南園賞芍

藥花同宗響山范石湖朱西柯喬東湖錢木天各分

二韻又李北岳樗巢詩集有上元後三日吳丈似菴

招同范石湖朱西柯喬東湖張印宣家月江暨令姪

象采家兄中州三汊河舟泛各賦排律十韻范石湖

交遊燕集之跡于此可見

顧書宣有集杜詩十首如老樹空庭得疎籬野蔓懸

喜無多屋宇自有一山川議論有餘地波瀾獨老成

虹霓就掌握冰雪淨聰明似欲忘飢渴真堪託死生

在家常起早多病覺身輕美花多映竹細雨更移橙

野樹欹還倚明霞高可餐開卷得佳句觀圖憶古人

皆極工巧自敘云鯖會五侯子美泣尋毅父衣成百  
衲涪翁笑謂半山雖人云亦云實我用我法初無隨  
脚跟轉之病何有拾牙後慧之嫌  
吳菌次歸湖詩和者衆矣顧書宣集放翁句以次韻  
尤稱奇巧今備錄之喜挂高帆浩蕩行飄然雲水不  
論程尚嫌塵境妨幽致肯使秋毫有妄情村酒可賒  
常痛飲野人有舊得尋盟扁舟來往無窮樂夜夜湖  
中看月生兩扇荆扉數掩籬竝溪穿霧每歸遲客撐  
小艇招垂釣僧趁分題就賦詩豪竹哀絲真昨夢晚  
菘早韭恰當時紅塵朝夢何時了此老醉眠初不知

偶來徙倚草亭孤到處皆成一畫圖叠叠沙痕畱浦  
岸蕭蕭秋意滿菰蒲意行舍北三义路跬步門前萬  
頃湖聊舉一杯生耳熱醉中猶攬故人鬚五百年前  
賀季真天將閒處著閒身吾曹自欲期千載外物原  
知等一塵錦雉白魚供野餉黃雞綠酒聚比鄰醉中  
卽是逃名地本避浮名不避人頻拈枯筆賦幽居歸  
老林間計未疎尚憶青衫陪衆雋不論黃紙有除書  
壯心耿耿人誰識胎髮茸茸漆不如閱盡輩流身獨  
健敢辭老境落樵漁

洪月航聲詩佳句如湖平蠶市橋初見柳暗漁家戶

半扇花光暖趁鳥爭樹山色青隨人上樓鬢邊芳草  
杯中溼雨後青山馬上晴鴉歸村寺日初薄潮到柴  
門風正來數聲柔艣青山暮幾葉短蘆紅藕香曉風  
帆引西江船春雨人耕北岸田五言如山痕千里瘦  
詩橐六年肥人聽煙中語霜飛鬢上華

甘泉卞古山

澍

幼年善於言愁有對月獨酌云酒盡

月亦落無語自徘徊康熙癸未乙酉間朱竹垞梁藥  
亭後先舉詩社于郡之北郊名流競集古山與焉

伍瑞徵

之麟

自怡草後附遺句數十聯其工者若雨

嫌客牕劇愁覺暮春深稻香村社催新釀秋老黃花

憶舊年

伍陶公

繼人

著有北牕吟稿春陰詩云黃昏幾點梅

花雨添得淒涼坐小樓

泰州繆晴嵐會元

祖培

次閩鄉縣詩云亂山爭瘦削

征馬倦黃昏又紅橋舟中畱別宮霜橋云鷓鴣聲中

蕩畫橈離情黯黯付新潮分明兩岸消魂柳何必愁

人定灞橋

江都葛柳南

振

句云燈前說劍心空熱花底題詩字

亦香其弟松坪

佺

句云冷骨似冰憑酒熱閒心如水

爲花忙又詠髮詩云直從梳脫落却恨鏡分明

黃雪田

對

海陵夜雨云星霜歸兩鬢風雨落孤燈

趙柳南

有成句

云林深山路僻春盡晝陰長又云山

空雲氣結春盡鳥聲圓七言云雲生山脊疑天落水到江心逐地浮

史天循

順

爲蕉飲太史之叔父著有青蓮閣集五言

云槿籬聞夜績浦澈出秋燈月滿嫌庭窄煙消惜樹疎幔垂香散少軒僻鳥窺多釀雨雲初合憐花酒易乾七言云衣敝酒添連日跡病多詩覺去年工書於未見常留意貧似曾經不改歡書墮手中驚美睡茶清瓊底惜餘芬心緒纖廉疎密雨客情寥落短長更

陳水壑

銜

五言夕陽空戰壘漁笛起孤舟松根扶墮

石雨溜助奔泉蘆花秋水外菰米夕陽中七言淪漣

水照白齒蒼蕭疎葦立紅蜻蜓

吳梅查

均

五言獨樹支頽岸雙橋束急流江村見梅

花云乍逢野店微皴雪一笑清溪淺漏春

沈春田

大修

五言魚蝦喧晚市梁稻老西風野橋隨

岸曲老樹入秋紅松高庭日落僧老院苔深

江都道士李衡山

惠源

詩云溪橋宛轉扁舟入竹樹

參差小閣低

儀徵薛漁莊

廷吉

五言魚隨潮落網鳥負日歸山樹

深疑水盡山轉忽天開

張雲儕

鵬

赤松軒集五言新潮隨月上野火雜星明

寶應朱景顏海音詩略五言牕鳴千澗雨人臥一樓  
雲庭心碧雲滿石罅清泉流其妻陳傳姜五言煙月  
淡相照竹深人夜歸亂竹不知路好山多抱樓七言  
一庭芳草無行跡萬點桃花送好春千里關河初過  
雁四山風雨獨登樓

喬元溪太守

鐸

灤西堂詩有云四山皆蟋蟀一院只

梧桐大榆渡云落鶯飛前浦淺霞散一河

寶應朱周楨

克生

秋厓集五言晉安雜詩黃葉千林

響青山一雨寒晚酌云相對猶愁雨頻來爲看花飲  
喬道士館云彈琴因地靜舞鶴愛秋高七言青山礙  
路遙當榻流水穿牆暗入池

顧書宣五言凍雀蹲簷滿風鴉鼓陣圓江聲吹白舫  
雪意冷黃茆萍藉能言鴨花畱竝坐鶯七言未尋高  
柳夢先往想到碧陰心已涼叢竹露多晴亦雨喬林  
日薄晝常陰雲重釀成春雨色風多吹徹早梅枝桃  
花濃似醉人頰草色柔于嬌女裙閣外數峯皆畫本  
菴邊萬綠卽書材野蜂聲動林吹雨老薺花多路滿  
霜

潘雅堂刑部

純鈺

詩花香全著水人影半登山隔岸

燈穿樹隨帆月送人

閨秀程梅衫

雲

綠窗遺稿詠絡緯蟲絕句云籬豆花

間月縑車軋軋聲如何終夜織不見七襄成

汪恬谷

超寧

讀書東柯草堂云孤鐘破雨出幽寺敗

葉裏風敲暗牕

黃北垞

裕

七言新水乍添連夜雨春風又過一年花

韻致絕佳又詠燕子詩云未過寒食先將侶一受輕

風便泥人

馬御張

振仲

半查第三子爲伯父橘堂後有句云高

樹畱殘照青燈聚故人

文衡夫

元星

善寫梅世以醫名有種瑤草堂集七言

云三島煙霞歸鶴背一天風雪夢梅花

鄭楓人觀察

灑

玉句草堂詩曉行云初陽平野外蒼

潤到眉睫又云野霧如空江茫茫半天白七言云河

聲送雨過沙市山翠橫煙入柁樓孤宦遠同千載上

畸人多在萬峰間扁舟久住成安宅小吏平看似故

人雲昏楚樹春如夢風薄吳棉曉欲秋

蒼溪詩集相傳爲江都杜思曠

仁俊

撰思曠終于寶

坻令蒼溪其始令之地耶五言新沙恣鹿跡細雨滑

鶯聲

江都左自衡

衡

寄廬詩草五言風隨寒葉下花戀夕

陽開新霽不多日舊遊能幾人梅開初霽雨簾卷正

逢人

李艾山

沂

五言波光搖閣影蓮氣染僧衣地卑愁夜

雨垣短聚春星煮茗花三徑彈琴月半樓七言平蕪

野色入高閣落日暝煙生暮村老去未能疏綠酒春

來早擬策紅籐

汪舟次五言如池平全藉雨桐老更知秋千山堪立

馬七尺肯依人樵風隨短褐海月照長鑱猿啼無酒

處雁叫憶家時七言如異地論交秋正好大江把酒

月初明返照入巖明虎跡暗風過礪亂颺啼諸侯座

上誰尊俎老子胸中有甲兵鑄將賈島終非佛繡出

平原豈用絲長歌短歌客千里清酒濁酒天一方

高郵夏醴谷檢討七言不礙卷舒蕉葉綠獨分清濁

藕花香出林鳥語弄清晝破臘春風上小堂

殷桐高

嶧

詩雪印牽駝跡風鳴射虎弓屋依山作壁

僧與佛同龕愁非幾卷書能遣嬾到經旬髮不梳

張南垞詠鷺云蘆花秋水明如此荷葉西風響若何

泰州仲解元

鶴慶

詩山谿通路小水檻得秋多遠水



綠歸漁子艇夕陽紅上老僧樓茅舍煙痕初過雨晚  
山雲勢欲生風樹底人家見城影日邊樓閣浸波光  
江都王維新拱辰詩六朝風景春如夢三月鶯花客  
在樓

李大村

國宋

河塞詩竹槌何須憂瓠子斗泥無復泛

桃花

閔賓連

麟嗣

松盤絕壁畱山徑鳥起危巢駭杖聲武

昌漫興云世遠英雄無故壘江空狂客有芳洲

華龍眉

襄

詩鴻飛半江月夢壓一船霜竹侵人徑衣

俱綠葉落山房瓦半黃

江都田梅岑

登

五言月明沙路淨雨歇稻花香鬢冷

牕侵雨園荒燈引蟲破扉猶入燕老樹自生花

戴岳子

徵勝

詩五言冰天寫疎樹夕照閃昏鴉衣競

秋雲薄顏輸晚葉紅石破苔生縫花濃月寫枝

戴昂來

源

五言佛燈不滿壁蟲語盡歸樓蹇驢香草

詩邊路小艇春江畫裏身

長沙陳滄洲

鵬年

敘王樓村詩集云樓村在江左獨

能輔詩以學而不錮于習其詩排奐陡健能盤硬語

一洗吳音查悔餘敘云方若寬和宏藹與人交必盡

其懽忻發爲吟咏極筆墨之淋漓而一擇于古雅濟

南田山蘊云余甲戌春重游都下不復論詩獨王子  
方若殷子彥來剝啄造門則不禁披衣以起又復攘  
臂論詩命觴浮白歡然意得夜分不能去彥來之詩  
淵雅流朗古人所謂初日夫容鏤金錯采庶幾兼之  
方若齒壯于彥來則以學力勝元虞集自比漢廷老  
吏方若有焉

溧陽史文靖公敘繆少司空餘園詩集云嘗見佳時  
勝賞襟裾交集公于衆中拍浮引滿掀鬚四顧旁若  
無人擊鉢叉手奚奴拂紙濡墨數人不能給

廣陵詩事卷八

儀徵阮元記

禪智寺東坡斷碣王阮亭先生司李時曾屬碩揆上  
人葺之

鹿門子以五泄舟華頂杖太湖研烏龍養和訶陵尊  
贈毘陵魏處士作五賦詩程泚江太史以友人所賦

洪源方竹杖一漚子琴

一漚子明僧悟言號

綿津研

綿津山人研有銘

五茸筆格味諫壺同置一樓因名五賦樓并記以詩

康熙三十九年臘月十九日東坡生辰商邱宋大中

丞榮

再莅廣陵率吳中諸名士陳東坡笠屐圖於庭

致集中名物以祭各賦詩侑焉

王孟亭太守於揚州市得研背刻髯翁笠屐像酷肖孟亭呼爲影研因爲研影圖風沂京兆題以詩

王箚林太史有憚南田山水二十四幅程午橋以全

唐詩一部易之寶應劉侍郎師恕爲歌以題其圖未

幾亦以宣銅爐與王枚孫易全唐詩

黃平山有瓢名曰楷瓢亦山舍人一號以與己同名

索之平山以贈亦山乃稱爲黃公酒瓢

顧書宣有二百四十本梅花歌爲喬石林侍讀賦

竺巢翁自號射洪春酒主人

方石村觀察願瑛嘗自造酒甚佳名曰晴霞

田雲鶴愛耽山水嘗爲仙霞武夷之游高西園鳳翰

爲作煙霞泉石圖當時雅雨山人及黃彤章焯鄭克

柔燮皆爲之題華陽史梧岡震林題云皓月心胸白

雪才敝裘難換歲寒孟詩人願化山頭石知是狂星

墮地來

吳公三均江都老詩人也家有舊酒器曰梅查以梅

根爲之形類枯查每引滿陶然竟醉遂自號梅查

周確齋生子有餉鶴爲賀者因名其子吳賓廬作洗

鶴詩

史蕉飲典試滇南清慎不受餽遺解首鄭君以大理  
石屏几贈別力却之鄭泣涕不已乃受而作詩以酬  
歸構一室以石貯內顏曰黠蒼精舍

吳蘭次太守綺選刻宋金元詩其板爲書賈所攘轉  
運使崔蓮生爲之索還蘭次作長歌以謝

張還揚號木田泰興詩人王文簡嘗於顧書宣太史  
座間見其畏事渾如鷓退飛之句賞歎不置

汪可村有夢遊關塞卷子馬秋玉爲之題

鐵佛寺有古梅三株中一株兼三色康熙初謝鍾山  
與友人飲花下有淡煙疎影夢瞿曇之句江鶴亭方

伯亦嘗諧詩友于秋日集寺中看紅葉賦詩終日獨  
領荒寒之趣恐後人無此胷抱也

陳定九倅以教職中狀元年三十九房師勵衣園先

生年甫二十九程風沂京兆盛脩作詩云三載淒涼

冷署秋此番高出衆仙儔教官金榜非難事難在蓬  
萊最上頭雄姿英發妙初時三十卿材認本師衣鉢  
相傳作公輔到來已是十年遲

儀徵汪畏齋天與爲新城王文簡公門人蠶尾續集

載有題五世讀書園贈句云前賢讀書處五世尚名  
園風雅持門戶弓裘到子孫爲畏齋作也

園在歙畏齋高祖本

歙人最勝者為悠  
然閣董思翁題額

桐城張文和公云昔謝太傅謂毛詩三百篇穆如清風句最佳畏齋之詩可謂穆如清風矣

戴勝徵有馬書周自秦州移家真州詩

顧書宣太史以藥酒一罌餉查初白慎行初白報以

詩書宣和之又倒押其韻一首邀初白繼和初白亦倒押和之復以酒分餉唐君實吳西齋再疊倒韻索

和

顧書宣繆澧南兩太史嘗於臘月中在蘇州泛舟中塘夜月如晝風景溫酒半陟虎阜更就茶肆張燈

火理絲竹興會風舉各題絕句壁上書宣有句云一

段新聞傳說去有人臘月作中秋

顧花田有二石一曰賸酒石賸酒本元次山石魚湖詩一曰欵帆

石繆澧南司寇沅皆為作歌

汪蛟門比部有十二研齋顧書宣太史曾有詩云研

多無意更求田魏篁中亦有息夏懷蛟門云覺堂先

生十二研汪舟次復作十二研齋歌寄蛟門舍人

汪悔齋太史楫奉使琉球凡七宴彼中每宴必跪獻

一刀同時詩人作琉球刀歌

陸南圻鍾輝遷居金陵有別晚清軒詩復自金陵歸

邦上有句云不得營巢又借巢方小師士庶曾爲之  
作晚清軒圖

南圻病中葺小屋成用放翁研銘心太平菴四字題  
爲額

程香溪太史夢星今有堂前老梅爲風雨所摧扶植

無恙同時詩友約往問訊用楊誠齋雨後曉起問訊  
梅花韻見江松泉詩集

汪蛟門築真賞樓初成夢歐蘇兩文忠公命作聯蛟  
門應聲曰登斯樓也大哉觀乎遂用爲聯康熙己未  
人日大雪中某郡中諸子飲此走筆成四十韻有云

廿年心始遂八字夢何因

喬密之園中有黃薔薇一本詠者甚多王樓村殿撰  
有七律二十首一時傳誦集中自存其四其佳句云  
夕陽山淺迴嬌額春病人扶擁道妝

余葭白元甲與厲樊榭鶚同作烘蝨詩數十韻葭白

有云始知策火攻絕勝具湯沐

儀徵團雲蔚鴻都中贈方百川有句云得姓不妨相

柄鑿雖傷太纖然有意致

水南花墅開竝蒂芍藥江玉屏立詠之云十二雕闌

一逕深將離作意倚同心膽瓶翦取勤供佛應降西

方共命禽雖得東皇寵最遲翻階日影整相隨情如  
合德偕飛燕姊妹歛寒擁背時

孫豹人姚仙期方爾止三家合刻詩姚詠揚州一聯

云小巷佳人鏡高樓蕩子衣史蕉飲太史申義用此

二句續成一律云寶瑟殷勤弄花驄蹀躞歸水中蓮

竝蒂梁上燕雙飛小巷佳人鏡高樓蕩子衣誰憐沈

滿願休文小字夜夜減腰圍

張秋芷給諫取東坡回頭四十九年非之句作年非

圖申笏山副憲為之題

閱蓮峯華論詩絕句有云廣陵前輩十餘公出入王

令變調中若論詩篇推絕席此間應讓顧花翁

繆澧南沅以編修督學湖南過揚州汪畏齋天與贈

詩云楚材須玉尺老眼似冰輪

張喆士四科詠臙脂詩有云南朝有井君王辱北地

無山婦女愁呼張臙脂

樊次白瑩花卉得宋元人筆意尤精于畫鸚鵡時呼

為樊八哥

興化許燮門煥工詩善畫嘗作畫梅橫幅于上方禪

智寺題四絕句頗括寺中諸勝筆法蒼健晚年傑作

也今畫幅尚存寺中客堂

法海道場池內鴛鴦蓮紅白各半安拜齋爲之圖賀  
吳村因以刻石同詠者銀州鄭之輝白門秦大士餘  
不沈雙承鳥程溫鶴立歛縣莊采釋實如

江都朱雪鴻顯祖有梅花手卷朱竹垞題云空裏疎

花淡更香珊瑚水底尺難量只應翠羽三更月臥看  
橫枝如許長

吳似菴閣上有羣鶴來翔朱刊樵爲之繪飛鳴過我  
圖左自衡衡作詩紀其勝

左自衡十琴堂前紅梅四月放花顧莊山爲之圖

禹生之鼎善寫真繪李艾山沂陸懸圃廷掄徐槐江

于山間名三益圖

馬經畬振仲半查之子始冠之年仁和杭太史世駿

贈以玉輪汪元長爲作玉輪圖

吳文塗自畫秋棚翦豆圖繫以詩云一棚豆雨潤秋  
原堪讀間書老葦門便有蟲聲過幽耳滿衫酒濺草  
中痕

張詰士四科有題方秀才士庶畫讓圃老樹圖又有

題高郵女子髮繡大士像二詩

顧書宣太史圖河有春江葦堂圖

汪舟次楫與邵陽王幼華泰州吳野人江都孫豹人



郝羽吉五人皆以詩文相友善屬戴倉作五子罇酒  
論文圖各有題句

王阮亭小像有天女散花圖抱琴洗桐圖王西樵有  
長齋繡佛圖西湖三舟圖汪舟次皆題之

徐健菴有論文圖畫與姜西溟汪蛟門共坐門人高  
西白侍舟次題以詩

汪蛟門比部傲蕭琛作少壯三好圖謂音律詩酒也  
顧書宣太史有詩云胸中檢點惟三好名酒嬌歌百  
卷書圖今在秦敦夫恩復編修家蛟門又有聽瑟圖

項水村夢昶江都貢生僑寓秀水賃祝氏綠溪莊之

半有紅蕉山館蘋風竹雨軒春秋佳日與朋好觴詠  
其中山陰訓導曹仲謀秉鈞藏其所題諸草廬宮黃

### 高松對論圖

馬開熊母汪甫及笄有孤燕來巢牕前其家皆惡其  
不祥未數日夫死未昏守貞數十年撫爲後子有成  
內外親戚名其堂曰燕堂秋玉徵君爲畫燕堂奉母

### 圖

葛星濤崙自號憨牛程之紳弔裔烈娥詩云獨有葛

憨牛不肯泯幽致

宗定九

元鼎

好梅堂前有古梅一株愛護最力未有

折一枝者時呼爲宗郎梅

張軼青

世進

于著老書堂新築露臺同人共賦詩落

成軼青句云滿意要看初夜月無心招得隔江山陳

竹町

章

句云晴來一面看山色秋到全家坐月明

殷彥來

譽慶

藏有新城王文簡公手書詩冊寶應喬

介夫

崇修

題其桐軒圖詩云生死從教老蝨魚一編

那復記三餘手中卷帙吾能說莫是漁洋細字書介

夫爲石林侍讀

萊

第三子其家縱權園四方名人題

詠共六十二首介夫有絕句云濡豪欲和一篇難輸

爾風迴海上瀾恰似龍門高氏本唐音四五卷中看

按高廷禮選唐詩四五兩卷皆六十二首運事求切

如是

杜補堂

甲

官杭州太守歸田後黃北垞贈以詩云擬

牽舡艫隨波去細約蘋花下釣筒補堂荅之云何日

牽波去煙波共釣綸

陶澂本字季深後專字季乃以陶季著名嘗與海寧

陸冰脩秀水徐勝力雪後集王阮亭寓齋用淵明詩

傾耳無希聲在目皓已潔爲韻各賦十首後六年季

晤冰脩荅以詩云蹋雪曾過米市東入門匡坐地爐

紅傾觴笑語詩成後燭跋三更又朔風

魏篁中

嘉琬

爲文波流滌洞頃刻百變康熙丙子舉

江南鄉試第十九人丁丑會試不第少宰趙公

士麟

見其遺卷歎曰具此美才而被放黜文字果不能言耶使我得總裁其事必元首南宮矣後以嘔血夭沒長洲何義門

焯

見其制義把卷嗟誦曰東坡有言其

清可以仙其寒亦足以死君文其是乎

康熙乙丑聞高寶水決人每以水帶子自隨朱竹垞

有水帶子歌爲喬孝廉

崇烈

賦云刮磨者匠髹者工

惟智創物變乃通置之兩腋下絡頸雙青纓中流踏

浪如御風過涉不愁滅頂凶按水帶上有二繩乃繫

兩股非絡頸也余嘗製此分給水師將士竹垞不知

用法故有誤也

吳蘭次太守

綺

罷官後遊於嶺南三楚嘗舟阻磊石

作唐多令一闋焚禱于洞庭君是夕得南風以濟復

以詩謝神云新詞一闋化湖濱夜半驚濤似有因安

得神明長借力盡吹天下欲歸人

張軼青

世進

爲潁川阜陽縣校官薪水之費皆取諸

私橐積俸十餘金歸時以鑄一楮王梅泝名之曰清

俸楮

高郵李基簡字雪鄰名其齋曰蟄室

劉雨峯太守

中柱

自題其室曰鰥窩有鰥窩詩

吳中戴南枝有嚴子陵釣臺詩三千首見高郵李百

藥必恒詩

秦州仲解元

鶴慶

工于賦物白秋海棠詩云紅雨夜

寒都是夢水田衣薄別成妝又詠鏡云豈無消息改

紅顏皆極工妙

申笏山

甫

取薛野鶴人家住屋須三分水二分竹一

分屋語名其齋爲三分水二分竹書屋錢稼軒司寇

維城爲作圖

張軼青分詠揚州歲除節事得祀牀婆云我求高臥

穩聊爾致殷勤

寶應諸生李佳士環岡以

武英殿纂修知懷仁縣

因公呈談觀察晏公以秃筆鈍劍破琴病馬四題命

之作詩乃復任大湖縣

僧藥根工楷法商人洪姓者欲買其菴旁隙地爲園

藥根投以詩云自笑蝸廬傍寺開隣園樹木迴崔巍

儂家院小難栽樹但有青青一片苔洪知其意乃止

周櫟園名其舟曰就園江都王漢恭

光魯

有詩汪舟

次亦有就園酌酒與櫟下老人歌

白蘋花始自吳興江都陂澤中亦有之汪恬齋得數

十本移栽盆盎清致無雙同人喜而賦之

儀徵許損齋謙蓄有破硯嘗自詠之名其齋爲破硯

齋

顧圃翁永治集五代詩人飲句共三百六十名閒徵

雅令取香山閒徵雅令窮經史句也

李暎碧清自江南移紫藤一株植齋前弟艾山沂作

紫藤歌

馬秋玉昆仲嘗從金陵移老梅十三本植于山館一

時詩人皆有詩

顧書宣爲人求汪覺堂書因共評書法繙閱藏本得

宋潛溪論文詩一冊凡八十韻書宣作論書詩一百

韻敵之

卞古山司馬澍宦遊三十年歸老眞州名其齋爲坐

看書屋

陶鏡堂贈張南垞詩云詩情似草隨春長南垞因名

其詩稿爲春草集

宮杜洲懋讓爲山東諸城縣令琅邪臺秦石刻將裂

杜洲鎔鐵束之至今巋然

汪默人淳修別墅名不波舫長夏荷花盛開默人靜

處其中持齋奉佛汪對琴比部寄詩問近況默人以

墨數丸荅之係以詩云寄遠自知無長物須參可是墨磨人

泰州宮紫懸偉鏐自號桃都漫士

葉詠亭天賜本歙人移籍江都工詩善書法名其居

曰誰莊一時名流題詠殆徧其莊實在歙不在揚也

馬嶰谷以宋姜白石所製側商調古怨囑程香溪太

史追撫之三日而成聲

如臯胡侍御香山嘗于冬月取巴蕉枯葉瘞之作瘞

蕉詩

吾郡酒以木瓜著名蓋釀熟以木瓜漬之也出高郵

者尤佳美夏醴谷檢討之蓉見之于詩云鄉味江干

木瓜酒是也又里俗呼初春時微紅色蘿蔔爲女兒

紅戴石桴勝徵詩云揚州蘿蔔女兒紅叫賣成筐滿

巷中一樣人誇好顏色桃花無語黯東風

鄭板橋明府變荅泰州田上舍雲鶴云昨買一小園

在水中央又得銅菩薩像五枚意欲改此園爲銅菩

薩菴

李艾山沂夢一男子持扇題曰玉壺澄澈冷貯本色

因自號壺菴

江賓谷在楚中寄書家人山莊栽樹云老去菟裘身

後豕他年都要此中來

高郵夏伊園

廷莢

致書孫邃人云最難忘者廣陵風

雨耳邃人孫潮生

同郊

有拜伊園墓詩云世以青衿

悲國士天將白雪付詩人

鄭板橋少爲楷書極工自謂世人好奇因以正書雜

篆隸又間以畫法故波磔之中往往有石紋蘭葉

經師誠

綸

素豪飲酒中譚論經史疊疊不倦嘗有詩

云布衫只爲囊書破土竈時因煮酒紅

東柳堂

智湧

至性過人於兄弟朋友之間倍多綢繆

悱惻之致送汪岱巖之楚七律有句云客中送客難

爲別君去思君可奈何雖不雕琢而一往情深可見

也

儀徵李松蘿

仙榜

詩筆幽遠有雙桐閣詩草五言如

詠秋海棠云羅袖西風冷明妝夜雨寒偶成云醉客

酒無力觸簾風有楞詠梅云淡極色如空幽深香欲

無七言如枕上詞云檀板拍殘千里夢玉簫吹徹滿

城秋暮春云罷酒客情長似醉倚牀孤夢亦多違寄

兄云客情自覺冷于水鄉夢應知亂似絲

秦來劬

之俊

有休園重茸詩云傑閣百尋凌石巘奇

花無數擁樓臺

王樓村殿撰

式丹

生平詩篇極富雖遇衰颯題出語

亦無窮蹴之音是以晚年大魁佳句如林莫能盡述  
粗記其佳妙者如五言云太虛分夜籟下界隔朝煙  
野舒雙眼白秋剩一花紅雲花檐際落蔬筍句中刪  
佛名頻可數書癖漫成癡七言如不栽高樹鶯稀到  
才著輕花蝶便知良吹一簾飄夜露孤雲兩角墮秋  
山檢方取次刪除病倚杖從容領略閑曉尋花墅雲  
迷展夜捲銀河瀉酒杯姓名赫面通生客鬚鬢驚心  
對故人展卷古人爲主客教歌清興在江湖何日才  
回橄欖味于今同佩蕙蘭香月臨西嶺飛寒魄花嫁

東風試晚妝安排峰色迎初日裁翦花枝待好春一  
談一笑都元氣某水某邱無俗情誰識孤蹤綠地癖  
從來逸品貴知稀卽詠紅葉尚有云天垂霞彩羣峰  
合路入桃源古洞深又云錢氏一山蒙錦繡石家七  
尺碎珊瑚

陸吳州

舜

督學浙江時于陸宣公祠旁立西湖講舍

晚與張詞臣同居泰州之三里塘因取李太白詩雙  
橋落彩虹句名其堂爲雙虹堂晚年不忘故友自稱  
雙虹老人

劉雪舫明新樂侯弟也侯以殉國死雪舫乃流寓高



郵貧老無子吳萬子世杰與同人謀之爲之置妾

*[Faded bleed-through text from the reverse side of the page]*

廣陵詩事卷九

儀徵阮元記

吳蘭次綺工於駢儷尤善填詞所爲小令兒童女子

皆能習之有毘陵閨秀日誦其把酒屬東風種出雙

紅豆二語以爲秦七黃九不能過也因號爲紅豆詞

人外題鄭中翰漢新婚北上畱別閨中云年來春到江南岸

楊柳青青莫上樓情韻絕佳時人呼爲春柳舍人

康熙庚辰間史文靖公年才十九行親迎禮於揚州

許氏畫歸娶圖一時題詠甚盛詩之最佳者郭元鈞

廣陵詩事 卷九

云采燈十道簇香輪花滿游纓踏路塵似有路人傳  
盛事公然許史是天親

厲樊榭

鶚

久客揚州由湖州納姬歸杭州名曰月上

作碧湖雙槳圖揚州詩人多題之

興化顧超宗

鳳毛

年九歲卽和謝惠連秋懷詩嘗於

某席間聯句押花字韻複主人囑其改超宗醉不能  
就主人乃命兩歌者迫之超宗吟一絕句云伊吾杜  
甫鬚頻斷襪襪溫岐手自义莫道詩人才思竭筵前  
原是一雙花

超宗聰敏彊記嘗飲于汪對琴員外家盃盤狼藉時  
辭不能飲或曰能舉一龜飲故事則請代之超宗應  
聲曰史記龜筮傳言養而飲食之非龜飲乎衆服其

敏

吳菌次六歲能詩有山中吟曰山溪清淺山花紅抗  
首高歌和曉風俗事回頭君莫看不如沈醉此山中  
識者以爲卓然風塵之外

朱直方九歲工吟咏每有驚人之句如烏啼花裏聲  
詩成夜氣涼殆非尋常人語

高郵李孝成

惇

幼時聰穎過人九歲入義學誦經史

一目不忘卒成經學宿儒惜所著不傳元嘗聞王給

諫念孫述其讀洪範子孫其逢二字絕句與從同爲韻逢大也極爲精確足見一斑

江都汪明經中幼年孤貧家無書籍於書肆中借閱過目能記既而販賣書籍且販且誦遂博覽古今文史

謝鍾山瑜善吹洞簫蔣天馭以家藏紫簫贈之謝命

家部老伶品其聲以爲體質輕薄故是佳器鍾山因名爲紫竹桃花管蓋唐人有輕薄桃花之句也

蜀岡司徒廟祀五司徒相傳靈感舊矣宗梅岑嘗渡江遇盜忽風沙中恍惚見五神狀驅盜散去注蛟門

記以詩云余友宗梅岑孤舟涉江潯羣盜欲肆虐司徒默爲護感應理有之陳詩神其吐

徐德音仁和清獻公女孫幼衣男子衣袴隨祖父長揖賓客間遇賓僚賦詩亦與之時同邑女史林亞清倡蕉園吟社頗以縑素相往來會德音歸江都許荔生舍人亞清亦遠去河南遂彼此隔絕十餘年後各隨其夫官京師始得把臂相偕和又有黃夫人雲儀者亦會於京師未幾雲儀沒德音隨荔生返邗上作詩別亞清云宣南稅宅接芳鄰忽漫相逢意倍親紅燭聯吟思雨夜青尊祓禊憶花晨情兼聚散襟懷異

廣陵詩事 卷九  
誼感存亡涕泗新最憶虞翻曩昔語除君知己更何  
人既歸舊居爲姻戚所居當時庭下海棠一株尚存  
感而爲七古以賦之中云村童旋舞踏香泥老媪椎  
鬟插如草仙姿原合伴優曇惆悵低回難負擔痛汝  
無言猶值此顧余多恨又何堪又嘗和茸城蕭大家  
弄珠樓題壁詩有菰煙蘆雪蓼花風之句顧啟姬以  
七字爲韻作詩懷之

徐石麟北湖人字又陵號坦庵工于詞曲每成一曲  
高吟令女延香聽之有不合聲律處延香爲之正拍  
延香名元端有繡餘吟詩餘一卷王文簡池北偶談  
稱其入李易安之室

游姓女郎隨其父在紅橋東斗姥宮後門外賣字卜

以養其父金櫻亭教授

兆燕

過而見之作游文園孝

女賣卜養親譎一時和者將百人潘雅堂比部

純鈺

詩最佳內有云得錢告父母父母喜更悲豈期一日

養仗此小女兒春風軟繡街秋雨垂楊道每蒙長者

憐詎免狂且擾女亦不畏擾女亦不受憐但祈親腹

飽何損女節堅後櫻亭詩爲兩淮都轉倉公

聖裔見

之遂延入署教其女孫櫻亭復爲之媒嫁于士人得  
其所

汪容甫明經中元配妻孫氏工詩有句云人意好如  
秋後葉一回相見一回疎

冒巢民襄有蔡姬杜茶村贈以字曰女羅汪舟次楫  
爲賦女羅篇

郭于宮元針之妹適于吳有寄兄詩云如登大雷岸  
應有寄來書

鄉俗報捷例用紅綾書賞帖方石川覲舉鄉試時倉  
卒中其婦截衫袖充之家人戲云畱取一半待明年  
會榜及石川成進士寄內詩云餘寒料峭連朝甚憶  
殺麟衫兩袖紅

冒辟疆姬人董小宛者名白一字青蓮以文慧事辟  
疆嘗佐辟疆選唐詩全集又另錄事涉閨閣者續成  
一書名曰匳艷又有手書唐人絕句一卷落筆生姿  
杜于皇極贊賞之辟疆嘗挈家避難渡江屢瀕於危  
小宛不以身先則願以身後云寧使賊得我則釋君  
君其問我泉府耳中間知計百出保全實多後辟疆  
雖不死於兵而幾死於病小宛侍藥不間寢食者百  
晝夜吳梅村題小宛像詩序云奔迸流離纏綿疾苦  
支持藥裹慰勞羈愁苟君家免乎勿復相顧寧吾身  
死耳遑卹其勞蓋紀其實也華亭周壽玉積賢有悼

小宛賦一篇極能擬子建者又辟疆姬人繼小宛後  
者有蔡女羅含嘗學繪事工蒼松墨鳳山水禽魚花  
草與金姬曉珠稱兩畫史吳蘭次謝女羅畫鳳啟云  
借丹穴之靈毛圖成比翼用紅牕之偶影繪作雙棲  
錢武子德震張儒子圮授皆有墨鳳歌戴洵有得全  
堂觀畫松歌句云憑君卷藏畫笥裏晴空恐有蛟龍  
起舒張鱗爪挾以飛吸盡蓬萊清淺水李書雲亦有  
詩云詠絮才高兄子句簪花格擅美人工小牕閒作  
丹青譜身在花香百和中金曉珠者名珎崑山人與  
蔡女羅繼董小宛侍辟疆蔡早逝爐香茗椀辟疆賴

之嘗割股進藥使七十八老人再生汪舟次楫跋巢  
民楷書洛神賦曉珠手臨洛神圖卷後云玉峰仙子  
畫嗣虎頭金粟後身書工蠶尾置兩君於異地竝可  
空羣聚二美於一堂斯稱合璧園名水繪宜來河洛  
之神翁是巢民應集鸞皇之侶呼宓妃而欲出誰誇  
北殿維摩驚褚令之猶存不數南宮博士吳蘭次乞  
曉珠畫洛神啟云金鏤遺魂夢感陳王之枕采旄含  
態香生王令之書人但賞其清詞世罕傳於妙蹟何  
期藻管近出蘭閨花欲言情波如動影依稀蓮襪凌  
千頃而姍姍彷彿桂旗望三秋而渺渺想見臨池染

翰原借照於當身定知拂鏡穿衫必含情於微步又  
題曉珠畫盜盒圖臨江仙一闕云雪夜燒燈浮綠酒  
西園賓客重來掃眉人有不凡才筆牀翡翠妝罷寫  
幽懷兒女英雄誰復問人間多少塵埃解圍忙煞小  
金釵神仙來去一葉墜庭階王阮亭尚書亦有題曉  
珠雜畫三絕句又汪蛟門有題巢民玉山夫人臨薛  
少保稷十一鶴圖詩云少保青田姿能爲鶴寫真意  
思本冰雪自然無纖塵豈知千載後乃有如花人重  
貌十一鶴磊落意態新高步肆飲啄一一傳其神我  
聞水繪翁近與猿鶴鄰閨中兩小妻莊如舉案賓持

此前上壽勸酒寧辭頻飢茹黃公芝渴飲長沮津低  
頭看雁鶩紛紛焉能馴玉山疑卽金姬蓋金名珮玉  
山或其別號耳又董小宛侍兒扣扣姓吳氏名湄蘭  
字湘逸眞州人十三四卽能誦文選辟疆嘗授以杜  
詩北征僅三遍卽覆卷成誦又偶取架上史書一帙  
乃晉史石苞傳令讀之扣扣不錯句讀并能疏解意  
義此殆有宿慧者惜早卒陳其年檢討爲之傳

冒巢民晚築一室曰匿峰廬西冷女史周瓊題句云  
滄海鍊身猶竦骨鹿蕉覺夢更清狂

古夫子亭雜錄云余在沛南明湖倡秋柳社廣陵李

季嫺王璐卿亦有和作按璐卿字繡君通州人也迦陵婦人集載其落花絕句又有一絕云春寒日日雨如絲草滿離亭水滿陂寄語東君須著意惜花人去未多時風神殊婉

楚人黃鬯圃妻陳氏號爽軒江都女士也工詩善畫嘗作秋海棠調鉛殺粉吹氣可活其送鬯圃赴選云太平天子文章重清白家聲夢寐安極得三百篇溫柔敦厚之旨春夜雨窗云雲偷三鼓月風嫁一園花

吳菌次太守夫人黃氏所稱江夏君也詩詞皆工有女名吳適江辰六孝廉有喜得家宜人書一絕云望盡停雲不見家忽傳錦鯉到窗紗開緘瞥見平安字不負蘭釭一夜花辰六博學清才爲山抹微雲之壻賦秦淮贈荅之篇洵一時佳話也

施愚山先生妾徐珠淵江都人先是其母欲嫁貴家兒泣曰兒願得侍文人爲東坡之朝雲足矣不願富貴也愚山聞而納之其寄北詩云雨滴梧桐秋不堪憶君誰共接清譚老天如識妾心苦北地風霜盡入南詩雖不工而意殊婉篤愚山有和詩存集中

揚州女俠草衣道人王微有紅粧季布之風韻亦如



其爲人嘗從西湖入雲間人或迹之已峭帆泖塔矣  
西泠有句云桃花得氣美人中又五言云窗中人息  
機風雪初有聲余以爲不減前人雨止修竹間流螢  
夜深至也

程蒿亭鄰婦行小敘云召埭張氏女性淑貌莊能爲  
小詩年及笄歸同里某農家子女唯日寄雅言間亦  
從夫勤田間事乙酉首春偶出埭西有客持所爲秋  
日牡丹詩頗悲搖落

冒巢民歌童紫雲色藝冠流輩陳迦陵太史畫其小  
影同人題詠甚多阮亭詩所云法曲自從天上得人

間那得紫雲迴者也又有楊枝亦極妍媚後二十年  
楊枝已老其子尤豐艷因呼小楊枝邵青門題其卷  
云唱出陳髯絕妙詞鐙前認取小楊枝天公不斷消  
魂種又值春風二月時

羅兩峰聘烏程令憐之姪也以詩畫名妻方婉儀字

白蓮亦能畫梅竹石著有白蓮半格詩子女亦皆解  
畫鉛山蔣心餘太史有詩云兩峰爲夫白蓮爲妻兒  
能紹詩書女有芳淑儀兩峰嘗自畫鬼趣圖備極游  
魂陰慘之狀海內名人題之殆徧

焦山僧言夜見江中巨魚鬚豎如雙柱又有物四足

如龍而無角又有大鼇常浮湛於江澚魏篁中余葭  
白皆有詩紀之  
儀邑城外數十里準提菴有老梅康熙末枯去四十  
餘年復活花時古香異常人目爲返魂梅題詠者甚  
多薛藹人和羅兩峰詩云寂寞春江上孤標孰與同  
幽情何處著清夢有時空魂返仍依月香浮不礙風  
橫斜常自在老矣梵王宮

江都史蕉飲編修自贈詩云偷果時時見白猿自注  
予孩時坐臥有一猿相隨時尚未能言漸長家人告  
予有怪舞瓶盆空中善盜物予追記皆猿所爲也四  
五歲後不復見矣

日涉園已鬻他姓折毀且伐及羣木張天其感有異  
夢售以厚貲園不廢而樹亦存更名問津園遂爲唱  
酬之地

汪蛟門夢行沙水上見一井亭中白氣上騰如縷旁  
有老猿守之自言止宿井中井水甚甘欲煮以酌時  
風雪大作欲辭去猿忽僧帽方袍揖而固畱又一道  
士來相與對坐猿侍於側因口占一絕云洞裏袁公  
亦太奇白頭深著道人衣丹砂煮就要人喫大雪漫  
天不放歸

郡城李文定故宅自明以來已更數主康熙戊寅李  
木菴柘復業中堂懸有角燈雙燕巢於燈鉤之上木  
菴賦詩同人和之

順治末燕市鬻故書者賣一敝刺大書客氏拜三字

寶應朱秋崖克生以三文錢得之賦客氏行喬劍溪

億方西疇士康俱有客氏拜詩

寶應張翁有牡丹二株百年矣值大水喬白菴移植  
碧落軒中是夕夢二老對談長生之術朱書大字髣  
髴有東風吹徹羽毛豐之句覺而異之薦以酒肴爲  
詩以紀其事

寶應朱克宣字元膺老於詩著運甓集有珍藏先人  
手卷臨沒時抱於懷命殉葬家人違其意三日附魂  
于老嫗索之甚厲家人以示之奪執手中淚如湧泉

江都李孔昭德音儀徵程一亭贊普同年同月生同

日入泮同日試第一食餼生平所歷無一不同一亭

死孔昭時無疾語人曰吾將死矣未一二月果然是  
亦奇矣孔昭能詩有莫愁湖絕句云蒼天特欲破愁  
城一抹平湖獨著名若是盧家無少婦夕陽芳草不  
關情詩意頗類南宋人惜詩稿散失不可多見

張喆士集中有里中三異人詩張風子斲毛頭楊姑

姑也遺山中州集有三異人之名

僧湛汎字藥根有詠菊詩云我有慈親今鶴髮年年

益壽向伊謀趙侍御青藜以爲蓼莪嗣響

王樓村修撰式丹幼年夢爲真定守與劉雨峰中柱

對飲天寧閣上四十年後雨峰果守真定王送以詩

云牽裳逕指天寧道四十餘年夢始醒

相傳陳泗源太史厚耀爲蘇州教授時值學使者按

臨衆教職排立座右太史衣釦忽吐五色花光如牡

丹少選·詔書至又傳太史能背誦韻書一字

不倒錯竊謂二事皆附會太史之足重不在此也

鄭板橋圖章皆出沈凡民鳳高西園鳳翰之手如板

橋道人如十年縣令如雪浪齋如鄭大如爽鳩氏之

官如所南翁後如心血爲鑪鎔鑄今古如然藜閣如

游好在六經如畏人嫌我真如恨不得填漫了普饑

債如直心道場如思貽父母令名如乾隆東封書畫

史如濰夷長如鷓鴣如無數青山拜草廬如私心有

所不盡鄙陋如揚州興化人如燮何力之有焉如樗

散如以天得古如老畫師如敢徵蘭乎如七品官耳

皆切姓切地切官切事又有云康熙秀才雍正舉人

乾隆進士至有一印云麻了頭鍼線則太涉習氣矣

真州鄭鴻字秋影張南垞之侍史也能詩年僅二十  
死偶成云閉門却到夕陽斜自笑茅簷類小車偏是  
西風最多事書聲偷送到隣家

葉詠亭

天賜

年二十一泛舟邵伯堞下假寐時夢故

友某謂之曰此地考試吾爲子報名備卷矣詠亭欣  
然從之入見王者據案諸少年作詩于旁舍少頃卷  
交王謂詠亭詩佳將壻之欲其改年爲十九詠亭正  
色曰吾遺腹子百五十日失怙母守節兒年何敢改  
王者竦立曰君孝子吾不敢褻乃寢及夜風大作隣  
舟覆一少年死于水

寶應成安若

康保

皖游集載太平寺中一豕現婦人

足弓樣宛然同游詫爲異余笑而解之曰此必妒婦  
後身也人斃之冤今得平反矣因成一律以偶見命  
題云憶元幼時聞林庾泉云曾見某處一婦不孝其  
姑遭雷擊身變爲斃惟頭爲人後脚猶弓樣焉越年  
餘復爲雷殛死始意爲不經之談今見安若此詩覺  
天地之大事變之奇眞難以恒情度也惜安若不向  
寺僧究其故而書之

甘泉王讓亭

楠

青箱堂詩稿中有瑞雲峰歌其序云

峰乃明時徐問卿泰時東園中太湖石也相傳爲朱

勔所鑿纔移舟中石盤遽沈遂不果行後爲南潯董氏購去中流船亦覆募善泅者數百人取之石乃躡盤而出最後歸東園園故有石屏二十丈名甲吳會得此尤稱鉅觀余至吳卽訪東園遺址不可復識而峰顧特立于市民家乃悲而爲歌周采巖瓚吳縣人云此石于乾隆間蘇州泔墅關監督已自民家買得安置于蘇州行宮矣據采巖云石極玲瓏高二丈餘闊寬不能及丈其盤亦天成高丈餘極透漏石也其合筍處亦天成非人工也

王樓邨殿撰生而頂有異香經月不散康熙辛巳夏

界首人夜半起見火光燭天大駭徐察之則起于汜光湖中次日問之漁人曰此珠光也近歲頻年見之泰州宮紫陽庭聞州世說云高郵珠湖有珠珠出時人從城樓竊視蚌殼半規若小船泛湖上一翅豎起若船篷



廣陵詩事卷十

儀徵阮元記

王子中太史

懋茲

省試喬楮堂畫栒櫨一枝相贈題

一絕句云蕙帶圍寬訝沈郎筆鋒銷盡業全荒幾年  
不屬懷花管一樹撐青著意黃蓋喬氏樂志堂前有  
老櫬一樹故及之數年楮堂死其子元溪居京師門  
外有懷樹兩行爲作懷坡予中贈之以詩云門前小  
築號懷坡扶杖經行感慨多舊輩凋零都欲盡三生  
還記一來過

京師城南風氏園旁數武有武家窰與黑龍潭相對

水木清華渚激環互風日澄霽宛似江南康熙間興

化總憲李公梅嘗與泰州繆司寇沅往遊將於此移

築廣陵館未果後丙戌秋司寇追憶舊事作詩記哀

汪蛟門葬平山堂後其甥程笏山文正登蜀岡見之

弔以詩云滿耳松風起牆東土一杯秋聲寒宿草墓

色澹荒邱身後遺編在尊前勝跡畱羊曇多少淚況

復過西州蘇東坡賦舊詩蘇東坡賦舊詩蘇東坡賦舊詩蘇東坡

吳楚人有波光搖蕩屋如舟之句儀徵李晴川少白

尋吳野人墓詩云坏土當年夢如舟舊日家

申笏山早歲久客浙江衢州西安縣余讀其稿有題

明衢州瞿太守趙姬墓詩因命人訪其地在城西三

里許鹿鳴山麓破碑半蝕尚有廣陵趙氏字太守蜀

人姬廣陵人妙解音律尤精琵琶隨守之任見江水

清見底命侍兒浥于盤以自照年十八而亡守哀之

葬于此國朝武林趙吉士天羽有詩弔其墓趙之

門人鹿祐于康熙庚午宰西安和其詩竝刻石置山

麓東嶽廟側屋壁間繼而和其韻者十人笏山其一

也笏山有難畱塞北花易盡江南雪我本廣陵人飄

零正愁絕之句余于嘉慶二年閱武出衢州西門曾

過其山下欲爲表之徒以古人亡姬非貞烈可比恐



士庶傳言未可爲法而止然其事甚韻也故記之

吾師李晴山先生有送別揚州遊擊白秋齋之松江

金山詩云豫州白公忠孝人事親事君秉一眞撲火

滅賊餘事耳眞心付與揚州民民曰自公之來甕有

粟自公之來竈有薪抱薪煮粟腹得飽雨雪無愁將

十春揚州本是繁華路到此人人失故步先生愛節

不愛錢明月清風守其素細柳營中柳萬株桃花夾

岸紅滿湖新教軍場在平山堂中有一泉清且潔亦

所此泉清似公心乎十年服官遷一次獨以精誠感

大吏匹馬南行百姓扳消受窮民萬行淚吁嗟乎公

之不屈如游龍公之不屈如虬松時時期與物有濟

處處難爲人所容保身愛民卽忠孝立功豈望通侯

封我聞公行心沖沖別無贈言言在公公不云乎出

言風輕雲淡存心海闊天空二句卽公贈聯按公名雲上河

內武進士在揚州有惠政至今婦孺猶頌之其子名

守廉癸丑文進士居于揚州蔣心餘太史亦有詩言

白公在揚州事云將軍大開揚州營兩城安肅四野

清忠信感被萬室寧百姓願作將軍兵揚州旱火四

起揚州潦薪斷市屋燬數家愁薪斷萬家餒將軍救

火向火飛騎屋似奪火馬馳手挽天河水淋漓火鴉

火鶴絕翅奔火神迴避白將軍將軍救餒如救焚鞭撻瓜船移積薪薪船帶雨不敢停銜尾紛紛來郡城炊煙萬縷柴價平添竈鼓腹民長生婦孺愛說將軍名文官無此得民情太史詩極能言白公善政至于公之心事則吾師之詩言之深也

王樓村修撰

式丹

夢至一處梅花滿庭一老人以杖

數樹云此十三本以付汝覺而屬禹鴻臚

尚基

繪十

三本梅花書屋圖旋失去修撰曾孫

嵩高

復購得江

秋史侍御

德量

依查初白韻題之施小鐵太僕

朝幹

亦爲作疎影詞一闕

馬開熊

日楚

秋玉兄也與朋儕共詠古錢得句云人

生天壤間誰得如汝壽咸訝其不祥逾期果歿人以爲詩識云

汪可舟自稱客吟先生詩筆清絕無知者卒以饑驅客死漢上其聽雨句云但覺有聲皆劍戟不知何物是笙歌其紆鬱可想未十年其子雪疆家業大饒買馬氏玲瓏山館造亭臺招延名士惜可舟不及見矣朱抱經

重慶

舊有酒坊在便益門河東岸程元英題

書堂聯句云糟邱見清聖馬磨有鴻儒

王晴江大令于平山堂雅集孟亭太守云康熙乙未

丙申間隨先大父僑居邗上同人訂文會如唐薪傳  
殷彥來郭于宮唐序皇程蒿亭蕭冶堂周漁璜李眉  
山顧俠君家竹邨澹岳諸君子皆爲地下仙矣此二  
十年前事不勝追憶晴江死舊時曾與平山宴集者  
多釀金恤其子金杏有未與會者汪敬亭遇尤厚  
池州郎趙客遂生每云友朋文字及趙客名者我當  
于泉下肅拜王孟亭感之作詩

張山來

潮

文采風流名重一時所居自植垂柳一株

濯濯可愛及山來歿居遂他售樹亦伐矣許荔生作  
楊柳歎

吳梅查

均

閏五月五日重過雙梧水榭看月見壁間

亡友沈江門去年題句感而作長歌有云月斜忽照

軒中壁壁上詩牋素友跡佇月曾橫膝上琴經年已

作泉臺客

王賀堂

世球

濯江

世錦

兄弟以文學知名時稱甘泉

二王賀堂旣歿濯江哀不自勝作哭兄詩一百韻見  
者泣下

興化趙秋墅

秉忠

晚年二子俱喪彙其哀痛之作爲

蘆中集自敘云閨中泣恤緯之妻膝下見蓬頭之女  
寶遺孩于兩月抵棄璧于千金隴上草荒旣縈舊冢

堂中燈暗復照新棺又云此儻作賦或來士衡之譏  
彼嫗知詩敢比香山之集  
甘泉沈西林築茅屋于褚山甚幽潔著有蕉雨集有  
西風吹落紫薇花之句歿後戴梓譬作詩哭之云昔  
年乘興訪山家壁上新詩記未差今日一棺東社裏  
果然吹落紫薇花

周弟六

璽

九日感友詩敘云張子伊蒿鄭子開平子

齠年友也五十餘年風雨晦明未嘗一日疎闊忽于  
庚寅仲夏一月之間兩人相繼而逝能不悲哉其憶  
伊蒿詩云貪奇累積書連屋愛僻常邀月到亭

詩人閔賓連有廬遊草悟雪草堂集其卒時張良御

太史戴冕來

源

陳定先殿撰

倅

皆有詩會葬之墓近

平山

錢唐潘問奇號雪帆客死揚州之天寧寺葬于平山  
堂下與閔賓連墓相近至今稱兩詩人墓雪帆遺詩  
數卷揚州刻之泰州繆湘芷司空  
沅有題雪帆詩集  
二十首

周二孃者不知何時人掘得碑有潘丹填詞江都葛  
振詠周二孃云安仁自昔推詩伯今日猶存絕妙詞  
筆陣模糊遺往蹟吟壇風雅憶當時一坏埋骨羈魂

杏片石標名過客悲不是文章足千古二孃湮沒  
誰知吳茵次集中亦有尋梁谿周二孃墓詩梁谿卽  
高郵之石梁溪也魏篁中尋秋至平山堂見有梁溪  
周一孃墓碣稱吳中善才有歌名後葬于蜀岡以詩  
弔之云調笑金樓子春風及艷名壁車如影待墳草  
更秋生漆炬新紗面楸林舊曲聲西陵吹雨夜蘇小  
似微行然則二孃者蓋梁溪人而葬于蜀岡者耶而  
篁中又稱爲一孃是一是二存以俟攷

員周南燉第八妹名琳字道頤能詩工畫著有奩餘  
集古渡詩評適岑山程存仁甚窮乏卒後周南于書

肆書角上見其二小印作詩弔之

魏篁中嘉琬與弟蒼水嘉瑛互相師極友愛篁中病

革有詩十首以氣息微屬不能支僅口授蒼水一首  
云鳥語花香也愛人自憐多病苦相櫻寸絲是命難  
言繫一髮爲魂去亦輕永夜呻吟無轉息他時遺累  
省經營從來只說爲僧好乞度微軀入化城二年前  
篁中與蒼水同宿瓜州一寺中篁中夢禮大士像身  
披袈裟旣寤撫蒼水足告以夢云吾其止于此乎遂  
悠然有出世意故詩結句云爾

顧書宣長子同根字友于詩心賦手不媿父風所刊

有半緣菴集以癖于酒遂不壽

閨秀劉淑秀工詩周第六

璽

挽其死云錦心媿煞鄰

家婦除却壘鹽沒半愁

張軼青

世進

與余苗村

元甲

爲詩友苗村晚客漢陽

有句云不知可得揚州死夜夜鄉心夢竹西後歸卒

軼青同人埽苗村墓作詩以零落歸山邱爲韻

水繪園主人冒巢民

襄

與陽羨陳定生世交最篤定

生歿後巢民每中元節爲孟蘭會追薦先人於定惠

寺必附薦定生率以爲常己亥定生子其年讀書園

中值薦期其年賦詩云亦是中元節躊躇淚萬行海

聲號殿角夜色犯衣裳悄悄憐遊子悽悽問法王今

宵煙月底人鬼總他鄉海上清光落人間客淚添五

更秋最盛兩姓鬼無嫌風木悲何極關河氣正嚴却

看烏鵲影毛羽故纖纖後其年官檢討卒於京邸壬

戌中元日巢民率兩子諸孫懺祀其年於定惠寺爲

位哭之竝有和其年前詩疊韻至二十餘首凡與其

年交者皆有和詩戴稼梅

劉淙

云蕭寺爲君位茶瓜

列兩行法筵仍薦福老淚各沾裳生死關朋友才名

動

帝王魂兮倘來此帶水卽家鄉鄧孝威

漢

儀

云懺度年年事香燈特地添故人情獨厚新鬼意

何嫌那竟佳兒杳從來大婦嚴一棺猶未下秋雨正  
廉纖

汪蛟門比部

懋麟

卒之年二月會客有云可憐燈月

是今年意頗悲涼及病絕筆詩云半生心事無多子  
祇在儒生法吏間顧書宣太史

圖河

感慟甚深用張

藉祭韓文公體作詩祭之

石濤和尚自畫墓門圖竝有句云誰將一石春前酒

漫灑孤山雪後墳詩人高西塘

翔

獨敦友誼年年爲

之掃墓酌酒閱廉風有題石濤墓門圖詩云可憐一

石春前酒剩有詩人過墓門

寶應戚烈女出嫁之夕夫殞于水女亦投水死遺詩

云從來未識兒夫面空惹虛名到世間

江都程蒿亭

式莊

同查查浦編修秋泛紅橋時適雨

潦水漲蒿亭詩云十年誰卜滄桑定慙媿坡頭射雁

人又疊韻云徑欲五泉尋蘚碣野棠吹雨正愁人時

擬攜酒陟五泉酌汪覺堂

楫墓也

張軼青

世進

有哭幼女詩六首如常愁嫁日難爲別

豈料筭時早棄捐閒中尚悔醫師誤愁裏偏逢乳媪

來皆言情哀婉酷似香山

吳茵次

綺

有悼友詩小敘云鄒蘇字建之邑諸生能

文善畫死于兵趙璘字子璘府諸生家貧嗜學性不諧俗死于兵高孝纘字申伯城破時自經于文廟丁有煜海門鄉人自號个道人晚年自敘悲其亡友十三人云邵作新字允兼年五十獲一衿手執犁鋤讀書弗輟張繼仲字陽和弱冠補弟子員工詩古文詞年二十二卒李進琯字西華號他山有文名著萬花翁詩文集李進瑋字仁珂號曹村他山弟與兄齊名丁酉捷秋闈未五十卒夏忠字進思號補田讀書質實以明經終有蕉雨軒集保衡字世臣號文園舌耕苦志著秋林雜咏八卷未梓孫麗正字又昭號南

村性愛潔種花讀書絕無忤人壽七十以諸生終程世綸字東來原籍黃山補真州弟子員構北園自怡年六十以明經卒吳峻字凌雲號東田臯邑明經負志未售抑鬱以老未六十卒曹禹亭繁昌人自姪曰瑛任歸里值於中州道上同寢食者兩旬別後聞訃石鍾瑞字輯也辛酉捷江南篤友愛未五十卒于兄任章倬字惕若號讓菴臯邑明經遷居州治善岐黃好吟詠年六十卒孫鏗字大聲號自耕以醫畫得名年七十考終

鄭板橋大令變有懷人絕句二十三首同郡者四人



興化李復堂鱣江都郭南江沅甘泉董恥夫偉業申

笏山甫其敘復堂云孝廉供奉內廷後為滕縣令

畫筆工絕詩云兩革科名一貶官蕭蕭華髮鏡中寒

回頭痛哭仁皇帝長把靈和柳色看懷申笏

山云男兒須鬥百年期眼底微名豈足奇料得水枯

青石爛天涯滿誦笏山詩但笏山江都人少寓浙之

西安縣板橋敘之以為關中人蓋誤以為陝西之西

安耳

黃北垞交遊極廣每一友沒則錄其詩句為黃墟集

自敘云故友云亡新詩猶在感生存之片語剩白首

之老人若不急為流傳恐至遂成泯沒豐干饒舌請

易當年舊雨之名自注云原名舊雨集中散有知定

增此日黃墟之慟所載揚州人凡八十七今錄其小

序云張紹良字又房泰州人張鈿字環齋儀徵人蘇

同許字友燕高郵人吳志祖字立先一字愛廬江都

人宿松訓導袁爾職字肩山泰州人陳時清字老香

泰州人施震鐸字千里泰州人程文蔚字豹南一字

拙村江都人康熙甲子副榜修文縣令汪惟豫字次

倫一字琴嘯江都人陳于堂字適仙江都人長洲訓

導著欵花齋集朱冕字冠南一字老匏高玉桂字燕

黃陵詩事

廣陽詩事 卷一  
山一字秋軒江都貢生方肇夔字引諧一字錫鋤江  
都人著晚鋤詩稿鄭暹字曉村江都人樊瑩字次白  
儀徵人吳賦書字虞章儀徵人黃吉暹字仲賓一字  
平菴江都人建陽縣知縣鄭昂字千里一字耕巖江  
都人張符驥字良御泰州人康熙辛丑進士庶吉士  
劉師恕字艾堂寶應人康熙庚辰進士官至內閣學  
士兼禮部侍郎福建觀風整俗使以侍讀學士休致  
方原博字亮書一字邴鶴桐城籍居東鄉仙女廟泗  
州訓導吳遵字賓洛江都人吳鴻雋字書永一字甫  
田江都人汪艾字爾耆一字可齋江都人汪祚字惇

士號菊田江都副貢生乾隆丙辰舉鴻博陳撰字楞  
山號玉几山人鄞縣籍寓居儀徵程夢星字午橋一  
字泝江江都人康熙壬辰進士翰林院編修王文奎  
字蘧莊江都人王文充字墨濤江都人雍正癸丑進  
士翰林院編修知浙江處州府王履吉字坦夫一字  
蔗田江都人季載可字吟四泰州人季堪倫字小石  
泰州人嚴碩儀字澹香江都人陳聞字雪吼泰州人  
朱純字東谿儀徵人古斌原名典字慎五一字贍樓  
江都人汪世楸原名世孟字岱巖一字巖夫儀徵人  
高詣字次庸一字坦園泰州人張璞字中玉一字琢

堂儀徵人程崧字夔州一字南陂歙縣籍居儀徵康熙癸巳進士郎中項炎字鹿田一字樹萱江都人朱夢濂字飲江江都人田昌運字書飲泰州人吳冀字芳洲江都人盛京刑部郎中著覆瓿集張銓字木菴泰州人江旻字扶五一字鳧塢儀徵舉人德源字巨潭泰州僧馬日瑄字秋玉一字嶰谷祁門籍居江都吳鴻紳字笏安一字秋厓甘泉人汪振松字喬青一字鶴巢儀徵人王嗣曾字戒庸一字西浦儀徵人郭長源字時若甘泉人雍正壬子解元蔣學傅字築夫儀徵人田雲鶴字迴抱一字輪長泰州人黃

于詠字芟青一字柳莊儀徵人鄭燮字克柔一字板橋興化人乾隆丙辰進士濰縣知縣焦士緯字石堂江都人劉正實字充符一字秋田儀徵人程文弢字彤弓江都人方嶠字謙山一字可村儀徵人方士庶字洵遠一字環山江都人方士康字右將一字西疇江都人李仙植字餘中儀徵人雍正甲辰舉人潘志恒字無怠泰州人張楫字晚亭江都人汪岱字觀東一字鋤月泰州人俞燾字爲光泰州人著有落落吟陸瀛字魚山江都人吳文璧字秀東江都人李仙榜字皇士一字東渚儀徵貢生洪振珂字軾澄一字曲

溪江都人程元英字惕思一字薌溪江都人楊大任  
字萸亭儀徵人吳文奎字櫟厓儀徵人李禧字吉士  
一字東平儀徵人張秉彝字仲倫一字南垞儀徵人  
程兆熊字孟飛一字香南儀徵人鄭永和字宮聲江  
都人閔鑑字春橋儀徵人仇昌字雲屏又字瀑峰泰  
州人汪聖清字問源一字韞園儀徵人方馨字鑑齋  
儀徵人著有秋查集韓行吉字遠村江都人余翼字  
位南儀徵人程夢鈞字聖陶一字松喬江都人吳廷  
旃字薌林號嘉樹林邊吟客儀徵人程珖字雲旌儀  
徵人

徵人

字

某

字

某

字

某

字

某

字

某

溪江都人程元英字惕思一字蕪溪江都人楊大任  
字英亭儀徵人吳文奎字機厓儀徵人李禧字吉士  
一字東平儀徵人張秉彝字仲倫一字南垞儀徵人  
程兆熊字孟飛一字香南儀徵人鄭永和字宮聲江  
都人閔鑑字春橋儀徵人仇昌字雲屏又字瀑峰太  
州人汪聖清字問源一字韞園儀徵人方馨字鑑齋  
儀徵人著有秋查集韓行吉字遠村江都人余翼字  
位南儀徵人程藻鈞字聖陶一字松喬江都人吳廷  
旃字蕪林號嘉樹林邊吟客儀徵人程琬字雲旣儀  
徵人



70015100

